

# ROBERTI

Fairlæi, humaniorum litera-

rum *Mussilburgi* professoris, *Neanica*.

H. e.

*Horologium Automatum.*

*Pædotrophe, sive puerorum educatio.*

*Natales & ara Iſaci.*

*Epigrammata.*

Ne, si displiceant hæc parva Poemata ringas  
Hac ut displiceant sunt tibi lege data.

*Quo semel est imbuta recens servabit odorem*  
*Testa diu* —————



*Edinburgi, Excudebat Iohannes Wreitonius.*  
*Anno supra M. DC. vicesimo octavo.*



CLARISSIMO,

&

ORNATISSIMO DOM.

M. Thome Hopao à Craighall, alteri augustis-

simi Regis CAROLI magnæ Britanniæ

Monarchæ, &c. Advocato, eidem à

Consilijs secretioribus, & Scaccario,

literarum & literatorum Patrono.

S.



Plendidissimus est Sol (Clarissimè Do-  
mine,) sed Sole splendidior tua virtus:  
illum cæci non videant: hanc finè oculis om-  
nes decernant & collaudent. Vera est non  
inanis, nec quæ à levium hominum um-  
bratili opinione dependeat: sed quæ in solidâ religionis basi  
firmata, & quæ bonæ conscientiæ testimonio fulcita sit,  
quæ denique verum bonum & το τελευτον persequens cætera  
ut somnia despiciat. Huius conscius Augustissimus &  
Serenissimus Rex noster CAROLVS major, vel (quod ma-  
lim) maximus, Te των λογων ρητηρα & των εργων προκλητης  
καλων esse intelligens, advocatum suum delegit, sibi que à  
Consilijs sanctioribus & Scaccario esse voluit, diu vivat  
Cæsar noster qui virtutem algere non sinat, sed honore &  
laudibus extollat. Sero moriaris tu, qui virtute & do-  
ctrinâ, Monarchæ tam pio & prudenti servias; qui Mu-  
sis & Musarum studijs faveas. Quantus musarum Meca-  
nas fueris frustra commemoraverim, sera ex monumentis

hoc

## Epistola Dedicatoria.

hoc noverit posteritas: Academia Jacobi Regis (tantum  
beatam regii nominis memoriam suspiciebas) Musarum  
musæa ostendet quæ largis sumptibus & illustri apparatu  
extruenda curasti. Infinita alia in egenos beneficia collata  
quæ mortales latent, & quæ vix læva è dextrâ prodeuntia  
cognoverit, Deus in cætu sanctorum immortalis gloria re-  
munerabitur. Hæc gessisse, tua & maxima laus est, gesta  
vero me scribere mea & non ultima foret nisi Solem claris-  
simum alieno lumine lustrare velle viderer. Quam erudi-  
tus, sagax & solers quam docti in omnigena dote repletus,  
testantur ingenii monumenta quæ moliris penè stupenda.  
Quare me reprimo & qualiacunque hæc Nona tibi in  
perpetuum studii, amoris & officii monumentum dico.  
Aristarchos & censores parum æquos, vel optima quæq;  
carpere quam capere facilius solitos, non defuturos arbitror;  
sed (quæ tua gravitas & prudentia est) facile omnes retu-  
deris: & si tenella messis huius semina, maturitatem qua-  
lemcunque posthac consecutura approbaveris, magnum  
profecto fructum percepisse videbor, & benigna favoris  
tui aura in posterum ad graviora fortassis provehar. Deus  
cæli solique opifex nobile animi tui robur, & excellentem  
virtutem tuam robore suo invictæ & potenti dextra sua ma-  
gis magisque confirmet, diu te nobis incolumem conservet,  
donec proles tua spectatissimæ & spei optimæ honores, &  
nepotes seros videris quo tempore plenus annis & honori-  
bus, in commune Christi & Sanctorum regnum transeas  
precor,

Vale.

Musilburgi; 5. Cal. Aprilis. 1628.



AD EVNDEM.

ΘΩΜΑΣ Ο΄ΥΠΑΙΟΣ.

Αναγραμμα.

Θυμῷ ἅπας ὅσιΘ

ἔ

Μυθῷ ἅπας ὅσιΘ.

**Α**ἶδος μὲν νεὸν ἀνδρᾶ γεναιότερον ἀξιοπαίον  
Αἰνεμεν, ὃς μυθοῖσι πεπρησάι πυκίνοισι,  
Ρεῖα καὶ ἀρίγνωτος, ἀγναῖον ὥτε Κρονίων  
Ολβον ἐπικλῶσθι, γαμίζοντίε, γηνομένωτε,  
Ολβίος ἐν μυθοῖσι ὅσιος, ὅσιος' ἐνὶ θυμῷ  
Ἀντιθεῶν, δ' αἰφρων, μαλακὴ πεπνυμένος ἐργοῖς  
Ρέζεμεν ἴδε κακὸν ὧς, μηδ' ἀνεμῶλια βαζέιν  
Ἀξίος εἰς εὐχῆς σου πλείονος ἢ παρὰ Μουσῆς  
Αἰνεῖσθαι δυνάτορ, ταύτης, καὶ μείζονος οὐτος  
Ἐκπῖς ἐμὴ τέ, βροτῶντ' ἐλπίς, μελεδήμα θεῶν τε  
Μυθῷ δ' ὅσθ' ὀσιος καὶ θυμῷ, παρ' ὀσίους  
Δαίμονι μηδὲν ἐχέει, εὐεργέσιαις τε χάρις.

*Ad Spem,*

**I**mpubes Spes sola annos si extollat honore,  
Nascentem laudet, Spesq; futura diem  
Prægnantem partus Spes si pergrata parentem  
Sustineat, longos comminuatque dies:  
Ei Spes si beet agricolam, jejunia pellant  
Spe si, cum duro parca colona viro.

Musæ annos lauda primos *Spes optima nostra*  
Et venæ, primos ingenijque dies.  
Sis Musæ *Lucina* altos miserata labores,  
*Spes* Musæ votum parturientis habes.  
*Spes* nostris faveas arvis vix vomere sectis  
Fertilior Musæ quo mihi messis eat.  
*Spes honor & Spes alma* mihi *Lucina, levana*  
Et mihi pro *cunctis* *Spes* eris vna *dys*.

Tibi deditissimus

*Robertus Fairlie.*

Mussilburgi literarum humaniorum  
professor & Scholarcha.



In Robertum Fair-laye (h. e. καλὸν μέλος, si veritas) humanioris  
literaturæ profectorem meritissimum.

**T**Am verum est verbum, quā, mi Fairlæ<sup>aje</sup>, vetustum  
Conveniunt rebus nomina sæpe suis.  
Nomen honesta<sup>olim</sup> tibi<sup>olim</sup> siue hæc figmenta dedere,  
Sin<sup>est suavis melos</sup> potius pulchrum cæmen, utroque cluēs.  
Splendida si numeris epicis mendacia tractas;  
Fit<sup>est</sup> veris falsum protinus assimile.  
Si Coeli motus, horarū aut dædala membra  
Enumeras; superam conficis harmoniam.  
Ausoniam lyricis cytharam si versibus aptas;  
Credimus Odrysiā personuisse lyram.  
Denique quicquid agis, fingis, meditāris, aīve,  
Suaviter, & pulchro carmine id usque<sup>omne</sup> canis.  
Si memini Albanæ folijs inscripta Sibyllæ;  
Dicēris Musis post-mo<sup>do</sup> καλόμελος.

G.S. ~~Geor. Sibbaldus Med. Doct.~~

Ad Authorem.

**Q**uid mentis cultura queat dum differis, ornas  
Te simul & Spartam Fairlie culte tuam.  
Nam quem aliis suades, in te das cernere cultum:  
Nulla; vel hæc recte est ars bene suada viæ.

Pat. Sandeus.

AD

*Ad Eundem.*

**V** *T* *Socrates* quondam claris florebat *Athenis*  
Ingenio, eloquio, moribus, arte, *ποσει*  
*ἡγεμόνας παίδων* formator, *Απολλίνης* ille  
Iudicio, solus primus & vnus erat  
Sic tu *Conchopoli* solus *Fairlæe*: *juventus*  
Pender ab vberibus lacte fovenda tuis.  
Nam te musarum princeps, te *Pallas* amica  
*Παιδοτρέφον* *sophia*, moribus, arte probant  
Macte ergo auspicijs lætis & passibus æquis  
Perge, & tu *Spartam* finge refinge tuam.

*Jacob. Spensus Pastor Tiliallensis.*

*Ad Eundem.*

**P** *Ræveniunt* artes discendas nomina multis,  
Sic *Jdmon* vates: *Jasius* medicus.  
Splendida quod chartis vatum mendacia pangat  
*Fairlius*, a cunis nomina vatis habet.

*Iohannes Reius.*

*In Eundem.*

**N** *Aturæ* abstrusas silicum recludere venas  
Ausus, ab ingenio claruit ille suo  
Majorem ast ausus *Naturę* pandere vires  
*Fairlius* ingenuas, demeriturus habet.  
Hæc alios docuisse sua & non vltima laus est,  
Prima tamen sibi sit se genuisse patrem.

*Georgius Nisbetus.*



*In Fairlæi Pædetrophen.*

**I**ngenuis multum juvat esse parentibus ortum,

Non tamen hoc natos efficit ingenuos  
Virtuti verum teneris se assuescere ab annis

Ingenium & genium conferet ingenuum  
Nemo igitur claro se jactet stemmate natum,  
Qui non virtutis currere cœpit iter.

Quod tibi perspicue cum monstret *Fairlius* hîc, tu  
Quisquis es, exiguum hunc volve revolve librum.

*Oliv. Coltana*

*Ad Robertum Fairleum Authorem.*

**V**iribus *Vranies* cœlum deducis & astra

In terras, vasti das simulacra poli;  
Ambitu & Horologiî concludis mœnia mundi,  
Quisque manu totum contineatque polum.

Præmia larga; solum linquendo scandis Olympum  
Famę quam par est arctior orbis erit.

*Johannes Ro*

**FINIS.**

HOROLOGIVM AVTOMATVM.

**D**UM Phaeton currus tractat male cautus habenas,  
Aetheriumq; polum supremaq; culmina coeli  
Scandit inaccessi, trajectus fulmine, curru  
Excidit, & jacuit tepidis combustus in vndis.  
Visere flammiferum noli, mortalis, Olympum  
Ante diem fati, sin totus amore traharis  
Astrorum, & cupias coelorum noscere metas,  
Bisq; arces superare poli, non cernere tantum  
Sitq; animus, quin sceptrum Jovis comprehendere dextra  
Ardeat, hic si tantus amor, si tanta cupido est  
Regnandi, & tanto juvat indulgere labori:  
Horologi motus regito, quod nobilis arte  
Ponitur artificis, coeli sinuantis imago.  
**H**oc mea Musa canet, primis licet abdita cunis  
Vagit adhuc, palmas nec tendere possit inermes.  
Avia saxa peto, primæ fervore juventæ  
Percitus, ire juvat quo me mea Musa vocabit.  
Grande poetarum decus & pia gloria vatum  
Phoebe veni, coeptis Deus aspirato secundis.  
Materiamque sequatur opus, ceu circinat orbem  
Illa mouens, nullique refert conamina motus:  
Sic sacro divoque fluat distenta liquore  
Vena, nec invitis recinat mea Musa canoënis.  
Mens hominum sacro de stemmate nata decorum



*Horologium Automatum.*

Effigies germana Dei, religata catenis  
Corporeis, vultu totum circumspicit orbem,  
Nec satis est vidisse Iovis divûmque labores;  
Æmula quin fingat magnæ fundamina molis.  
Nonne vides terras tenui sub imagine chartis  
Impressas? parvæque tenent quot regna tabellæ?  
Hic simulacra dabit carptim glomerantis Olympi,  
Sphærarum pulchro radiantibus ordine stellis.  
Ille faber fingit fatum, supremæque vitæ  
Lumina, & horrendo parcarum munere gaudet,  
Inque Polos alius majores monte colossos,  
Pyramidasque struit, tangentibus astra columnis.  
Quæ non ima petunt, puteis Plutonis in aulam  
Perfossis? queritur constratas ædibus vndas  
Neptunus, jactisque exhaustum montibus æquor.  
Jupiter imperium magni qui dirigit orbis,  
Quique tenet quæcunque polos spectantia constant;  
Nil potis est præstare suæ molimine dextræ,  
Quod non vera Dei proles mens provida fingat  
Arte potens, cernas clarum Salmoneæ, fulmen  
Horrissonæ ærati simulantem murmure currus,  
Cernas & monachos, farto qui pulvere plumbum  
Tormento excutiunt, cœlumque minaciter urgent.  
Aera nec tantum scandunt, ubi fulgura spissis  
Emittuntur aquis, quin conflagentis Olympi  
Effigiem; duri faciunt de flexibus eris.  
Quod totum est, & cuncta fovet sub fornice curvo  
Cujus habet centrum Tellus, confinia Pontus,  
Aer, extremo gaudentque incendia cœlo:

Quantum

*Horologium Automatum.*

Quanta est cunque poli facies comprehenditur arctâ  
Pyxide; mole simul, formaque simillima conchæ est,  
Orbe sub excelso detruditur arduus *Atlas*,  
Syderibus tremuli succumbant *Herculis* artus,  
Impos enim mortale genus portare verenda  
Tecta *Iovis* magni, cœlumque quod omnia cœlat  
Sustentare manu, sed gens tua docte *Prometheu*,  
Pondera tanta dedit plumis leviora volucrum,  
Quodq; nequit cœli fulsit qui vertice stellas  
*Atlas*, terrarum domitorq, trinoxius heros,  
Nympha facit, denos nondum quæ viderit annos.  
Velque sinu condit, mammosi pectoris inter  
Tubera, (sed caveat fallat ne *Iupiter* ipsam  
More suo, & fictas pro veris incolat ædes)  
Apportat perâ, molli vel gestat in aure,  
Ibit, & excelso comitata redibit Olympo.

Utque rotas caperet plures, est forma rotunda  
Pyxididis, ovalemve refert oblonga figuram:  
Tutior hæc reliquis, magnique capacior orbis,  
Et magis apta pati violenti corporis ictus.  
Dextra dedit quodcunque Dei pro numine verbi,  
Hoc aliquâ fruitur bonitatis imagine divæ,  
Ortus nulla tenet Numen primordia, nullum  
Quo sistat finem, pariter dignoscere non est  
Vel quæ prima sient, vel quæ sint vltima cycli,  
Qualis & excelso forma est aptissima mundo.

Tangere sed quoniam sublimia culmina cœli  
Non datur, & digitis stellarum vertere sphæras;  
Quæstio de incertâ constat pyrrhonica cœli



*Horologium Automatum.*

Materiâ, cunctis inde hinc ratione retentis.  
Pars probat ignitum, clara quod luce refulget  
Quæ patet in cunctis incensi causa caloris:  
Aerium pars magna putant, expansio quod sit  
Aeris, & cedat stellis penetrantibus orbes.  
Nomen aquæ tribuunt alii: pars maxima quintum  
Esse volet corpus, studia in diuersa feruntur,  
Incertique suæ bivio stant mentis in ipso.  
Automata hinc varijs cernis fabricata metallis,  
Nunc auro fulgent flammæ imitante coruscas,  
Argento aut, diu superat quod lumine sudum,  
Et modo quæsitis longinquo ex æquore gemmis.

Cum bifores fuerint expansæ in pyxide valvæ,  
Regia celsa Jovis tornatis clara columnis  
Paret, quale jubar, medium cum irinxerit orbem.  
*Mulciber* ornauit non sic tentoria *Phœbi*,  
Armaque magnanimi non sic cœlavit *Achillis*.

Lamnæ extrema tegunt binæ, queis puncta rotarum  
Ultima volvuntur, parili defixa tenore.  
Illa refert convexa poli, quâ respicit orbem  
Empyrium, hæc monstrat volventis concava cœli;

Figitur huic mediæ squamosus circulus auro,  
Bissenis limbo spatijs dispescitur equis;  
Solis iter, cursusque notant horaria partes.  
Palmula quæ circi plano deducitur, ardens  
Sydus, & accinctum demonstrat lampade *Phœbum*,  
Ut vitreis caput igniferum sustollat ab undis  
Ore rubens, mediique gradus vbi transilit orbis  
Ter quinos, evi veluti consumpserit horam,

Utque

*Horologium Automatum.*

Utque per acclivem curru desultet Olympum,  
Et medio flagret coelo, post lumina condant,  
Subter aquas, cæcis involvaturque tenebris.

Ceu jubar in motu non fertur sponte diurno,  
Mobilis at primi rapitur vi, visere metas  
Occiduas, mundique polorum vertitur axe.  
Palmula sic centrum circa hæc invita recurrit,  
Utpote quod medium propria gravitate reposcat  
Secretâ remeet nisi vi deducta rotarum.

Spiritus adfer opem, divo me numine plenum  
Accende, ut mea Musa rotas canat ore rotundo.

Nam velut expanso volvuntur sydera coelo  
Inque vicem stellæ subeuntes munia, servant

Unanimem fixumq; viæ metæq; tenorem:

Cernere nec possis, sit qua ratione, quis author,

Fons & origo fiet, primum nisi Mobile noscas,

Ducentemq; polos mirando numine mentem:

Nulla datur pariter manifesta scientia palmæ,

Quis cursus, quæ causa, modus, quis terminus extet

Contigerit nisi scire rotas, quæ forma, quis ordo

Inter eas fuerit, vel qua ratione recurrant.

Principio, mundi jacto cum semine, pontus,

Terra, polus, triplex sit condita machina rerum:

Imparis illa fuit molis, coelumq; supremum

Ascendit, quo cuncta suo circundaret orbe,

Sic cohibet terram pontus, supremaque ponti

Aer, quem supra præfulgent aera flammæ,

Imparibus quin ipse nitet conflatus Olympus

Orbibus, & superat Lunam Cyllenius ignis,



*Horologium Automatum.*

Hunc Venus, at Venerem Sol excipit aureus, inde  
Mars radiat, celsaque Diespiter arduus arce,  
Vertice sustentat confectum etate parentem,  
Huncce caput cinctum stellis, crystallinus ambit  
Orbis, & hunc cingit cœlorum Mobile primum,  
Æterni sedesque Dei tanta agmina claudit,  
Mole licet sphaeræ varient, virtute sed ipsa  
Conveniunt, concors vnde est discordia molis.  
Inspice cœlorum simulachrum, quanta rotarum  
Disparitas, numero quatuor sunt ordine fixæ,  
Ultimus haud nonum tangit constrictius orbem  
Quam rotulam rota contingit, majorque minorem,  
Mobile *Prima* refert primum, nonumque *Secunda*  
Hac minor & *Quarta* major fit *Tertia*; cunctæ  
Sed tamen in proprio conservant tramite cursum.

Neve rote numero projectos æquore fluctus  
Exuperent, stellisque pares sint ætheris orbes,  
Atque infinitum sit, quod natura refugit,  
Automatum chalybæa movet, non ipsa movetur  
*Spira*, velut cœli convoluit *Spiritus* astra,  
*Motricis prima* gaudet qui nomine *Mentis*,  
Non manibus sphaeras pellit, non affidet orbi,  
Nauta velut navi, cuius dum tractat habenas  
Tangitur, inque vicem tangit, *Divina* sed orbes  
*Mens* virtute regens, animi sua sensa retorquens  
Cogitat, impulsu mentis sic dirigit astra.  
Horologi primam possis sic cernere mentem,  
Quodque loco mentis causa est huic primula motus,  
Postera qua pyxis surgentis limina Phœbi

Aspicit

*Horologium Automatum.*

de Adspicit, hic motrix consistit, noscere quid sit  
Vix datur in *Doli* lateat quod condita fundo;  
Fingitur inque modum sinuosi flexibus anguis,  
Serpendo qui jam fessus, per gramina lentus  
Se trahit, ac multo sua terga volumine torquens  
Sternitur, excusso donec se expandere somno  
Incipiat: sic spira latet chalybea, retorta  
Sæpius in semet, quadrato & figitur axi.  
Marmoris vnda velut protrudit fortiter vndam,  
Posteriorque movet primam, sic vltima Spiræ  
Prima cient, motum chalybis facientia circa  
Dolioli centrum, clauso quo conditur, index  
Æthereæ fiet vt mentis, quam lumina cernunt  
Nulla, nec humani possunt attingere sensus.

Huic rota contigua est primi quæ mobilis instar  
Motricis sequitur ductum, reliquasque rotarum  
Vi rapit, occiduis, Eoas versus, ab oris.

*Pyramis* accensam, referens quæ vertice flammam,  
Crassior ad fundum est, tenuisque accrescit in altum,  
Figitur in fundo rotulæ, circumdata filo:

Hoc simul extremo doli connectitur, alter

Pyramidem finis retinet, tantoque mouetur

Tempore, quanta fiet fili, dimensio, *Spira*

Quod trahit in semet, *Doli* convexaque cingit

Donec clavis agat retrorsum, dolia nudans.

Non secus Automati motus fit stamine longo,

Continuus, quam vita, brevi quæ limite clausa

Parcarum sequitur pensum, quod conscia fati

Net *Lachesis*, *Clotho*q; colum complexa lacertis



*Horologium Automatum.*

Gestat & horrendo quum ruperit *Atropos* ense  
Fila, jacent calidi palpante in pectore motus.  
Pyramidalis habet formam *rota physica* turris,  
Motus ut æqualis *Spiræ* sit pyxide causæ,  
Nam quodcunque volet violenter, robore pressum  
Alterius contraque suæ molimina formæ,  
Concitat incipiens motum, sed tardius exit:  
*Tyramis* a *Spiræ* distat, dum claue retenta  
Pandere se inceptat, cursusque in viribus ardet;  
Ast ubi de rapido jam laxa vigore remisit  
Hæc minus atque minus semota propinquior astat.

*Pyramis* ipsa rotam sequitur, dum fila remittit  
Doliolo, sed quum detracta retorserit inde,  
Immotâ movet ipsa rotâ; sic *Phæbus* in orbe  
Curvato, proprios fixo tenet ordine cursus.  
In diuersa licet rapiat nunc Mobile primum.  
Navita dum fertur vi navis euntis in altum  
Meridiem versus, potis est invisere puppim,  
Respicit *Arctoum* quâ sydus; nonne rotatur  
Dum figuli rota, diversum sub margine cursum  
Possit habere culex, contraque ascendere raptim?  
Sensibus haud cōstat moveat quo tempore quantū &  
Hæc rota, ni longi fiet observatio motus,  
Ultima *Sphæra* velut mortalia sensa refugit,  
Nec si *Nestoreis* mutari noscitur annis,

Mole minor sequitur, motuque citatior illa  
Non depressa jacens, fixo sed vertice sursum  
Tollitur, utque minus vacuus sit pixidis orbis,  
Quinque poli cunctis motrices orbibus adsunt

.Quæ

### Horologium Automatum.

Quælibet & propriam sortitur sphaerula mentem  
Axibus extremis nodi sunt, dente rotarum  
Attriti pellunt alios, pelluntur & ipsi.

Inde fit Horologi sonitusque, & sibilus ingens,  
Liberum vbi demptis totum laxatur habenis.

At licet horrendo currat sine murmure Olympus  
utpote quod levis crasso sine tubere constet,  
Fit tamen Automati strepitus, qui fulguris instar  
Nubibus extincti, resonanti personat aurâ.

Cernere si *Spiram* possis tunc forte moventem

Se, varijs instar sinuosi nexibus anguis

Anguineam jures te jam vidisse catervam,

Sibila tollentes linguis vibrantibus ora.

Jamque rotæ pulchro figantur vt ordine, parvum

Accipiantq; loci, subsidit tertia centrum

Versus (vt ætherij nec stant æqualiter orbes)

Voluitur inq; modum pinnati splendida muri

Dentibus erectis, possit queis tangere quartam,

Ultima quæ sursum fertur, nec centrica mundo est

Transuersam sed habens axin, duo lumina *Thæbi*

Respicit, oblique secta est, signatque Planetas

Zodiaco errantes, vario discrimine motus.

Mobilis a primi sphaera quo longius absit

Inferior, tanto citius, citiusque mouetur:

Luna planetarum quâ non violentior alter,

Agmina cœlorum claudit; sic quarta rotarum

Ut minima, at longe distans, rapidissima fertur.

Nec movisse fatis cœlum est, nisi fixa tenore

Sydera perpetuo volvantur in æthere centrum

Circa



Circa, quo possint hæc sublunaria vivo  
Sustentare sui motus nutrita calore.

Quid juvet immotus vel si nunc staret Olympus  
Frigidior cæcâ concresecet mundus abyssò,  
Effusum seu ferret iter, tunc omnia flammæ  
Conciperent, hinc est cursus moderatior orbis:  
Automato hinc chalybea datur præfortis habena  
Quæ regat, ut navem jactatam marmoris undis,  
Pareat incertam Domino cui, clavus in altum  
Promouet, & tuti perducit ad ostia portus-  
Horologi leviora sient si pondere fræna,  
Aut justo graviora, ruet tum pyxidis ordo,  
Nec nisi confusus spectabitur æthere motus;  
Ultratis, a justâ libret nisi onusta saburra,  
Non rectis stabit malis, ast inde vel inde,  
Sorbet aquas, cœli aut debet ludibria ventis,  
Sin gravior fuerit, puppi nec pondera merces  
Commoda sint, tardo ressecabit marmora sulco.

Automati cecini partes, fundamina parvæ  
Pyxidis ostendi, nunc qua ratione regantur,  
Non minus artis erit felici pangere versu,  
Ne tu forte sies Phaeton ruiturus in undas  
Respice, ne temere mundi moderamina dextrâ  
Corripias, puer ille rudis mandata parentis  
Tempserat, & toti fuit alter Herostratus orbi;  
Ante Promethæam (sapias si) consule gentem,  
Caucaseis quæ fixa jugis, penetralia celsi,  
Præconsumpta jecur curis, scrutatur Olympi;  
Immensi quam parva regas compendia mundi,  
Fictilis & quoniam cœli moderamina gestas,  
Fulmina ne mittas, nec demptis murmure habentis,

Perstrepat automatum, totus ne corruat orbis:  
Hic sævire minus sapere est magis, horrida finxit  
Fulmina Salmonæus, vero sed fulgure cæsus.

Virgineas adhibeto manus, ne forte rotarum  
Incurves dentes: talis concordia constat  
Horologi, qualis cytharæ resonantis in aure,  
Complures habet hæc fides, discrimine pulsus  
Inter se varias, gravis hæc erit, illa sonora,  
Conspirantque soni tanto modulamine dulcis,  
Tensior ut fuerit si quæ vel laxior vlla,  
Concidit omne melos, divini & gaudia cantus;  
Automati moles parili discrimine splendens,  
Concordi, rotulæ si vel rubigine parvâ  
Denticuli scateant, curvo seu vertitur axe,  
Cæca velut mundi stabit confusio, qualem  
Deucalionis aquæ dederant; quum condita limo  
Cuncta forent, putri stagnantibus æquore campis,

Pallade invnge rotam, celeri sic sedula cursu  
Ibit, ad extremæ donec pervenerit oras  
Pyramidis filum, fortitum clave retortum  
Hoc ruat in spiras, veluti cum Cynthius hircum  
Cornigerum linquens, ad curvi brachia cancri  
Scandit, & acclivem spirando transilit orbem.

Denique cœlorum cupias si quid sit imago  
Discere, si que poli studeas cognoscere prolem,  
Prototypum cernas, oculos huc dirige mentis,  
Inquiras in Solis iter, stellasque vagantes,  
Multiplices cœli sphæras, & numina meritis;  
Horologi sic arte rotas conuolvere possis.  
Et motus tractare vices causasque referre,  
Parvus & in parvo regnaris Jupiter orbe,





AD

ILLVSTRISSIMVM

ET CLARISSIMVM DOM. M.

T. HOPAEVM a Craighall, alterum  
*Regis Advocatum, Regi a consilijs se-*  
*cretioribus & Scaccario, Patro-*  
*num suum laudatissimum.*

Armine quid molles puerorum fingere mentes  
Coner, & ad laudis excoluisse decus?  
Cur doceam quid sit virtus? quid gloria? cuncti  
Te speculum decoris, laudis, honoris habent.  
Ingenuis oriundus avis es; sed tua proles,  
Nobilis, excelsi, dicitur esse patris.

*Tibi addictissimus*

R. Fairlius.



# PÆDOTROPHE.

**I**Nclyta majorum præconia, nobile stemma  
Patris, avi, proavi, materni sanguinis ordo  
Illustris, laudes, virtutes, gesta parentum,  
Felicem non hæc prolem, non sola beatam  
Efficient; tamen ingenui præconia patris  
Splendida, ad omnigenum natis sunt calcar honestū,  
Quis miser, ignavi facis sæx infima vulgi?  
*Thersites*, mundi macula esto, animæque minutæ,  
Filius aut terræ? qui non peccata parentis,  
Flagitiumque rubens, demittat lumina, vultus  
Cujus & ad nutus sit non obnoxius omnes:  
Ille nothus, jactare genus volet omne paternum,  
Quantus avus, quantus pater & quot iugera terræ  
Possedit, sed de matris ne nomine constat,  
Ut quam tota vocet plebs *Edinæa mathildin*  
Forte galactophoram, nivei quam mentio lactis  
Sæpius ad raucæ perduxit murmura ravis.  
Hic aviam laudare volet, matremque *Sabinam*;  
Sed de patre filet, rubor inficit ora paternum  
Ad nomen; curruca, catillo, morio, scurra,  
Et mimus lapidator, directarius audit:  
Tantum est ignavos puerum genuisse parentes.  
*Pellæus* iuvenis prædc orbis, conscius altæ  
Virtutis, mentisque paternæ, nolit habenas



*Pædotrophe.*

*Bucephali* trepidare frementis, natus & annos  
Vix denos, cursus vocet in certamina reges.

Quid Diophanti imperium? quem sæpe sodales  
Airati, inter quos ludens dicebat Athenas  
Imperio parere suo, ut qui nouerat iras  
Matris, & obsequium hanc erga proclive paternum,  
Nam quicquid matri præcepit, mater & illud  
Præcepit patri, pater imponebat athenis.

*Æmula* nobilium proles virtute parentum est.

Ergo pater quicumque velit feliciter altum,  
Candida cui parçe diducant stamina, natum,  
Inverso ne infausta stylo jugulabitur illi  
Natalis, pario sed sit signanda lapillo,  
Esto illi galli & gallinæ filius albæ.

Nulla domum prius ornavit præclara supellex  
Attalica, aut junctis nituerunt marmora crustis,  
Quam stabilita loco fuerint fundamenta celso;  
Laudibus & dignam cupias si fingere prolem  
Dogmatibus sophie vel magnæ dotibus artis,  
Principio generis ducatur stamen honesto.

Jamque ubi vagitus dederit puer ore recentes,  
Ore cibos nondum poterit qui mandere, mammâ  
Lactandus molli, matrisque fovendus in vlnis:

Nulla est nutrici merces tribuenda, parentis  
Verus amor (nullo pretij qui munere constat)  
Unguiculis proli largitur ab usq, tenellis.

Num mater cæci portans pia pondera foetus,  
Quem nunquam conspexit, alatur? (non vbere puro;  
Sanguine sed, venis tacite qui defluat imis)

Natum

*Pedotrope.*

Natum autem, & fausti productum in lumina solis,  
Quem videat vitę sensusque, animęque, capacem  
Negligat? & lactis distentum deneget vber?

Quę pietas materna pios exponere foetus?

Ursa parit, partum lambit, distentaque præbet

Ubera, ponit avis spinosis sentibus ova

In medijs, mollique fovet sub pectore, donec

Exierint pulli, ruptoque putamine reptent,

Quin matutini prævertens tempora solis,

Ore legit vermes media inter saxa, fluenti

Ad ripas, quo, deinde penu depromat ab oris

Pullorum in fauces; mater non lacte parato,

Quod natura dedit, quod non aliunde requirat,

Nutriet infantem? nuper qui lucis ad auras

Ætherias prodit? meretrix sed Faustula si sit,

Vel lupa, quam nummis fulvi conduxerit eris,

Huic tradens natum infelix amandet alendum:

Ille lupę tepidę dum pendet ad vbera, virus

Imbibit, ingenio tandemque simillimus ipsi est.

Fur, mendax, rapiens nummos, lective jugalis

Furtivus prædo, veneris qui furta nefandę

Secatur, merito ut genitor quum tollere natum

Se meminit, proprii deploret tædia facti.

Ubera vos matres date natis, provida mammas

Queis natura dedit binas, ut nectare lactis

Possitis geminum quamvis, producere partum.

Non satis est lactis pueris alimenta dedisse;

Nec formasse animos longâ assuetudine morum

Dum faciles; & cera velut sit ductilis ætas.

Pectora



*Pædotrophe.*

Pectora sic mollit materni guttula lactis  
Infantum, vacuas missi quum in luminis auras  
Vagierint, facile ut formentur imagine rerum  
Quacunque, & nullas possis non ducere formas.

Ut figulus terram mixtam fluvialibus undis  
In rerum fingit facies, & mille figuras  
Vasorum, nec quum iam obduruit, arte refingat:  
Mollia sic puerum confingas pectora, matris  
Quando lacte madent, cunctæque capacia formæ  
Post modo ne hæc eadem non longi temporis annis,  
Durescant fervore animi, flammæque iuventæ  
Nullius & possint iterum mollescere curâ.  
Ergo bonas infunde animis atque auribus artes,  
Virtutes pellunt vitia, assuetudine virtus  
Discitur, & longo finguntur tempore mores  
Una duos peperit catulos canis: alter in aulâ  
Eductus, pinguisque ad condimenta culinæ  
Lingendis studuit patinis, ollæque nitorem  
Acer odoravit fumantis: at alter in agris  
Venari assuetus lepores, vestigia cervi  
Persequi, & ad montes lapidosos pellere damas:  
Hos ubi venator mediæ per gramina vallis  
Duxerat, inque feras missurus carcere ab vno,  
(Inclamans) geminos vnoque ligamine solvit,  
Hic leporem sectari ausus, deducere cursus  
Mæandros varios, donec sub clunibus hærens,  
Ceperat, atque avidas satiarat sanguine fauces.  
Ille alter longo patulæ spiramine naris,  
Ore viam legit, donec per septa culinæ

Vener

*Pædotrophe.*

Venerat, inque imas caput occultaverat ollas:  
Altera nam cunctis est assuetudo creatis.  
Natura, hanc pellas furcâ licet, vsque recurret.  
Hinnulus ætherei natus sub vertice montis  
Bagenochi, in nivibus nullo quæ a sole solutæ,  
Sæpe novos medio expectant sub monte decembres,  
Matre ferâ ferior, ventis spumantia jactans  
Ora (jubas quatit aura, nemus, montesque fatigat  
Hinnitus, prædura solum quatit vngula saxi  
Quadrupedans, fremituq; boit coelû omne profundo)  
Insidijs tandem captus, dirumpere vincla  
Conatur, pedibusque astrictos solvere nodos,  
Indocilis stringi; mox frena sonantia mandit  
Ore ferox; mollique reportat ephippia tergo  
Et gressus glomerare, & saltus tollere doctus,  
Quem puer vndenos nondum qui viderit annos,  
Flectit ad obsequium virgarum & verberis umbram:  
Consuetudo cicur fecit genus acre leonum:  
Androcles fugiens capitis viteque cruentum  
Supplicium, ad sylvas dumis atq; ilice nigra  
Devenit densas, vbi noctis frigore (cunctis  
Quum sopor altus erat) contristis, forte leonis  
Intravit lustrum rapidi, quod lumina *Thæbi*  
Nescierat, multo exesi sub fornice montis:  
Ille miser folijs & sicco cortice flammam  
Dum ciet, ingreditur leo torvus, cuncta rugitu  
Complect, & Androcli ostendit letalia plantæ  
Uulnera, quam sentis mediam confixerat, inter  
Horrentes sylvæ spinas, atque arbuta saxi,



*Paedotrophe.*

Androcli pavidâ trepidat formidine pectus;  
Et tremulâ spinam evellit de vulnere dextrâ:  
Tanta vnde exorta est morum assuetudo leonē  
Inter & Androclem, quoties exiret ut ille  
In sylvas prædam facturus, ferret in antrum  
Corpora captarum aut avium, carnesve ferarum;  
Quin quarta post inde hyeme, aspectante theatro,  
Androcles circi media inter septa, leoni  
Objectus, mortem expectans, & pectoris iras  
Sanguineas, fidum ex inimico invenit amicum,  
Nam fertur posuisse minas leo torvus, & omnes  
Porrexisse homini rugas, vultuque sereno,  
Et caudâ amplexus molli: mutaverat iras  
Ingenij, atq; animos longa assuetudo leonis,  
Inde habuit comitemq; viæ, lectiq; sodalem,  
Et totos, veluti cum conjuge, vixit in annos,  
Pittacus a celsis quem miserit India saxis  
Gramineâ indutum pallâ, minioq; nitentem,  
Garrulus, & nullo vocis discrimine solvit  
Ora, nisi assuetus longo sit tempore verba  
Reddere, & humanas docte confingere voces.  
*(Caesaribus tunc dicet)* (ave) hic, oleumve dolebit  
Ac operam longi sese luisse laboris.

Tempore dura silex guttâ stillante cavatur,  
Tempore consumptâ fulget rubigine ferrum  
Tempore mollescunt segetes, sit tempore tempus  
Tempore firmatur longa assuetudo, repellit  
Quam vis nulla, rotas ut si quis tempore longo  
Curvatas, studeat recta propellere longas

Non

*Pædotrophe.*

Non nisi perruptis poterit distendere cyclis.  
Rumpetur consueta prius quam pocula mittat  
Ebrius, & pleno non proluat ilia vino:  
Sobrius at rapidâ capitis vertigine contra  
Vexatus, tumidam torqueri flatibus alvum  
Senserit, aut tetri letalia semina morbi,  
Si quando consueta gulæ moderamina misit:  
Rex Ponti virus metuens, & triste venenum  
Hoc primis primum fertur gustasse labellis,  
Deinde mero mixtum plenis hausisse culullis  
Donec id in stomachi vires alimenta que cessit,  
Tabifici perdens vires, virusque veneni.

Consuetudo mali materq; boniq; noverca est,  
Dat natura illam, verum hanc labor improbus edit.  
Principio, quando magnum per inane coacta  
Semina terrarumq; animæq; marisque fuerunt,  
Mundi opifex hominem divino semine fecit  
Virtutis, justiq; pacem, cuncta scientem,  
Enthea cui in medio succrevit pectore flamma,  
Cernere quâ possit, rerum & cognoscere causas:  
Postquam autem Dæmon cœlo turbatus ad orcum  
Perditor humani generis (cui mille nocendi  
Sunt artes) hominem seduxit: tota recessit  
Vis mentis divina, animum invasere tenebræ,  
Lernææ affectus hydræ, flammeque tumentis  
Ire, lætitiæ fluctus, tabumque doloris:  
Promptius vnde viâ nunc consuetudinis itur  
In pravum, cunctique bonum non sponte capeffunt.  
Hortus odoratis qui fit cultissimus herbis?



*Pædotrophe.*

Segnis ager, passusque situ durefcere longo  
Dat tribulos, dat sponte rubos, lappasque, cicutas  
Terræ damna, Deus postquam maledixerit agris:  
Stercore fæcundus, fimi & lætamine campus  
Senserit incurvi sulcans qui pondus aratri,  
Sarturam rastri, durique in marte laboris  
Sudantem agricolam, nocuas qui sedulus herbas  
Extirpet, fulcisque immittat semina longis,  
Luxurians frumenta dabit cum fænore læto,  
Candida confurgent fulvis hærentia virgis  
Lilia, spirantesque rosæ, crocus aureus, herba,  
Thuris odorati, laurus *Phæbea* amaranthus  
Et violę omne genus, myrtus conjuncta hyacintho,  
Quosque novant anni vernantia tempora flores:  
Naturam per se pravam cultura refingit.

Ingenium puerile colat quicunque, *Platonem*  
Audiat infanti prohibentem dicere nugas,  
*Polliculus* quantillus vt, & *Gargantua* quantus;  
Nuda salis, tantum sterilis figmenta cerebri.  
Testa recens primo fuerit quo imbuta sapore  
Illius in multum servabit tempus odorem:  
Cerea perfacile est puerorum tempora, partus  
Fingere sub primos, habilemque dedisse figuram;  
Lædantur vi forte aliquâ si mollia, servant  
Hoc vitium, doleat quod forte & cana senectus:  
Varus cur reptat pedibus, vatiisque retortis  
Claudicat? asperior torfit quod mollia tactus  
Crura, nocet pueris male cauta ita cura tenellis:  
Num cura est vitio vitium superaddere, stultis

*Pædotrophe.*

Stultitiam, caruisse quibus sapientia prima est.

Sors inimica animis est assentatio, mentem  
Deliciæ perdunt molles; si filius vnus,  
Filia vel fuerit communis gaudia lecti,  
Pupillo indulgent materque paterque tenello,  
Cuncta licent turbas domui, famulisque ciere,  
Mendaces mammarumque tatarumque dedisse quærelas  
Devovisse patrem, matrisque spuisse per ora,  
Numinis & vane nomen sumpsisse potentis.  
O cæcas hominum mentes! quæ insania! natum  
Quodve odiū! in pravos cupiunt quos tollere mores:  
Ardua quâ poterit ratione cacumina laudis  
Virtutisque jugum celsæ superare, negatum  
Cui nihil, & nullo sensit qui tempore durum,  
Sollicita exsiccat cui flent mater ocellos  
Postea sed lachrymis genetrix sua lumina foedat  
Invitis, fili quando vltima fata ruentis  
Conspicit, in vacuos effundens murmura ventos  
Non profecturis corrumpit fletibus ora:  
Mater erat felix vno cum conjuge nato,  
Cujus spe lactans animum, sublimia mente  
Concepit, magnique loci, sortisque futurum  
Non tantum & totas recturum numine gentes:  
Ille miser (cunctos sic fert natura) paternos  
Furari incepit nummos, & condere furto,  
Gypsatarum quodcunque manus tetigere, remisit  
Blanda parens noxas, arridens tangere palpo  
Gaudebat, pravam in prima lanugine vitam  
Sperans rugosâ meliorem fronte futuram,

Si



*Pædoprophe.*

Si quando prudens genitor concidere sectis  
Verberibus voluit, vitiumque expellere furti,  
Accurrit plorans mater, gremioque latentem  
Occuluit natum (adjuvit quæ sæpe paternos  
Contemptus, prolem spreteisque parentibus arsit)  
Ille reus furti factus, mortique cruentæ  
Addictus trabis infandæ, jam tempora velo  
Indutus niveo, scalarum a fronte, dolentem  
Adduci iussit matrem, cui (basia fingens)  
Sustinuit sævo nasum periscindere dente  
Flebilibusque modis ora indignantia solvit,  
Fœmina (ne dicam matrem) præcordia ferro  
Vincta, feris ferior, Medæa sævior ipsa  
Quid de te merui natus, sis vnica mortis  
Causa, caputque meæ, frustra mens stulta doloris  
Est furijs agitata, (inconsolabile vulnus)!  
Quam satius doluisse prius; vitijque nefandi  
Principijs pugnassee, fuerunt temporis anni  
Quum faciles, foret & quando emendabilis ætas,  
Pœna, dolor, iusta est iniusti (mater) amoris.  
Prudentes faciant aliena pericula matres,  
Parcius vt plaudant natis, corrumpere cessent,  
Morbus amicitiae assentatio, pessima morum  
Pernicies, animique lues, mœrorque parentis.  
Corpora producant patres sensuque animâque  
Prædita, nervorum strictâ compagine firma,  
Quæ distenta tument crassæ pinguedine carnis  
Crura, caput ternis sursumque attollitur vlnis,  
Verum animi & mentis non gignant dona, paternæ

*Pædotrophe.*

Traduce non veniunt dotes, sed crimina, mores  
Distorti, improbitas, atque ignorantia veri:  
Quot patres miserè ignorant se, resque, deumque,  
Terra quibus lævis, nullâque ex parte rotunda  
Sydera, qui jurent cœlum contingere terram  
Cardinibus mundi, spatij solemque pedalis  
Esse aiant, cœlo videant stellasque cadentes,  
Arcadicum pecus! a lævâ queis parte mamillæ  
Nil salit, ignavi miserande fortis aselli.  
Inficiat natos vitæ contagio patris,  
Ebrius hic vini merfit qui in pocula mentem,  
Cuique natant oculi vino, cui stantque labantque  
Genua, pedes titubant, & quicquid lumina cernunt  
Hoc geminum, duplexque putant, vbi vespere sero  
Venerit ad proprios, vel multa nocte, penates,  
Quot facit vxori ludos, quot turpia natis  
Exponit discenda, deum, mare, sydera jurat  
Infernumque Iovem, stimulat mox jurgia vinum  
Clamosasque movet lites & prælia linguæ,  
Forcipetum valido confringit tempora conjunx  
Demulcens calone caput, Jovis arripit iras:  
Æmulus attentas cunctis puer arrigit aures  
Et probri, pravique tenax, maturior annis  
Factus, ad ætatem vini, vitijque pacem  
Quum venit, cunctas discet peragrarè tabernas.  
Et totos vacuare cados, vrgere salutis  
Pocula, non regis, reginæ, at turpis amicæ,  
Ductat scorta, nothos gignit, nummosque paternos  
Dilapidat, totus græcatur nomine Bacchi,



*Pædrotrophe.*

Insignis, mox crura juvenis incurva bacillo  
Hæc miseros doceant patrum pars maxima natos,  
Quin vetulam cædet matrem, post pocula sagam  
Dicat, & in luctu faciet tabescere canos  
Quam satius mandasse probis, doctisque magistris  
Arte vagam variâ moderentur quique juventam,  
Edoceant mores, sophiæ splendore, tenebras  
Depellant animi: (cunctis nonnulla supersunt  
Semina divinæ lucis, rectique bonique  
Reliquiæ, omnigenum pulchra indagatio rerum  
Unde fluat, vitæque modus, virtutis amorque,  
Tanta est æterni clementia mitis Jovæ!  
Ars tamen hæc sordet, projectâ vilior algâ  
Est virtus, lususque putant gens impia ludos  
Si dives, rerum cui cornucopia, crassus  
Vel Cræsus nummis & multo splendidus auro,  
Proderit ignavi quid vana scientia ludi  
(Dicet) opes nato dabimus, vel jugera terre  
Tercentum, patriis posthac quæ vertat aratris,  
Æs dabimus fulvum, positosque in foenore nummos,  
Otia nulla scholæ sectabitur: inscia mater  
Gaudebit natum gremio jam tollere, lactans  
Blanditiis, mollique fovens sub pectoris umbrâ:  
Ætatis sed flore vicens atque integer ævi  
Ille, canem sequitur, vel spectat in aere milvum,  
Vel cædes narrat leporum, prædasque volucrum  
Quot pateras hausit spumantes, nocte puellas  
Stupravit quot vulgares, mercabilis ære  
Fornice quo lateat meretrix, obscœnaque cantat

*Pedotrophe.*

Carmina, & Atellæ quodcunque ex tempore natura  
Obvius irato factus si forte *Catoni* est,  
Triste supercilium cui vultus, fronsque severa  
Nescit quid dicat, faciat, quo lumina jactet  
Quam fluido stupet ore! velut quum viderit agnus  
Terribilem, rictu rugientem immane, leonem,  
Mutior est quovis delphino, *Hispania*, quæras,  
*Gallia* vel fuerint quot longæ aut jugera latæ,  
Quo terræ jaceant tractu, quo limite, coeli  
Quâ Zonâ; tacet, atque Hudii figmenta recensens  
Narrabit Belique artem Clughi que Clementis,  
Cuncti illum stricto gaudent suspendere naso.  
Quumque minor virtus non sit jam parta tueri  
Quam parere, ignarus vitæ, virtutis & artis,  
Sæpe patris magna hic heredia perdidit hæres.  
Cura nec est patri fratrum, natuque minorum  
Nulla quibus res est, nec opes quas flagitat usus,  
Non tamen in ludos mittit, ne solveret assem,  
Mancipiumque velit potius quam solvere vilis  
Mancipij precium; stabit pincerna paratus  
Ad Domine nutus, dextrâque ex, amphora pendet,  
Detrahet aut Domino foccos, ocreasque madentes,  
Sub *Graio* sequiturve hostilia castra *Bohemi*,  
*Dani* vel *Sueci*: qui quamvis acer in armis,  
Totus in arma furit, tentatque pericula belli,  
Non tamen huic dantur dubij moderamina martis,  
Solvere quod nequeat cuneos, stabilire phalangas  
Obliquas posuisse alas, aciemque dedisse  
Ambiguam, frontis seriesque resolvere densas

Quod



*Pedotrophe.*

Quod nisi præclarâ Sophiæ non discitur arte  
Quingentas dederitque minas materve paterve  
Sutori; doctis qui quam studuisse Camoenis  
Tutius esse putant siccato tergore fœda  
Atramenta spuisse ore, & transfigere gallam  
Aut sensisse manus callum, lassasse securi  
Brachia, dentatâ perfcindere robora ferrâ.  
Alter egenus habet quo vix bene farciat alvum;  
Nedum mercedem solvat, vel munera donet,  
Ergo scholis natum nequeat committere doctis.  
Ingenijs fœcunda bonis est *Scotia*, cœli  
Temperies felix, & solis amica cerebris  
Est virtus, doctos jactabit *Gallia* *Scotos*,  
Militiâ insignes *Germania*, *Scotia* norit  
Versutos experta suo persæpe periculo,  
Ingenio sed dura bono comes hæret egestas  
Res angusta domi si sit, nec larga peculi  
Copia, vt & meritis nequeat condigna magistris  
Appendi merces, (heu res deflenda!) beatę  
Indolis est patienda situ durefcere longo  
Temperies, curvi capiet tunc cornua aratri,  
Sollicitus victu quærendo excindere terram  
Cogetur: conservat oves hic, ille bubulcus,  
Ægopolus glomerantis equi vel gressibus instat:  
Dives habet quod persolvat, sed discere nolit,  
Discere vult pauper, nec habet quodolvere possit,  
Ostendetque scholam vix *Scotia* tota frequentem.  
*Scotia* habet passim jam phrontisteria largis  
Sumptibus edificata, piis sacrata camoenis;

Sunt

*Pædotrophe.*

Sunt quibus incumbat tantæ provincia curæ,  
ut doceant sophiæ mysteria, sacra recludant  
Biblia, qui medicæ sublimia dogmata cuivis  
Discutiant artis, sunt qui fundamina legum  
Sollicita enodent, modo digna salaria dentur:  
Umbris maiorum date dii sine pondere terram  
Spirantesque crocos & in urnâ perpetuum ver,  
Qui Præceptorem sancti voluere parentis  
Esse loco. Comitem & custodem impubis Iuli  
Æpitiâ dedit *Aneas*, Chironis alumnus  
Æacides, Phœbo pulchrâque Coronide natus,  
Rex Macedum belli datus obses sæpe Philippus  
Sub Samio multum tunc profecisse magistro  
Fertur, Aristotelis sublimia dogmata magnus  
Legit *Alexander*: doctæ Lacedæmonis Iren  
Præceptor, docuit lignari hos, quærere furto  
Sarmenta hos, (cui furta nefas committere nullum,  
Deprædandi at factos;) pueris sic callida nasci  
Credidit ingenia ad facinus prudentia magnum,  
Psallere, cantare, ac modulari vocibus æquis,  
Ponere & argutos gryphos, solvisse repente  
Instituit, facere & doctæ compendia linguæ,  
Sin aliter pressos sensisse in pollice dentes.

Nec teneros cuivis tutum committere natos:  
Cereus in vitium flecti puer, omnia discet  
Quæ videt, & pravum si mens ægrota magistram  
Ceperit, in peius vergit; pravique bonique est  
Æmula mens hominum: si vita & lingua magistri  
(*Poto magis potum doceat*) fit tempore parvo



*Pedotrophe:*

Discipulus verbi (potoq; biboq;) peritus.  
Magna magistellis hominum pars pignora credunt  
Indoctis, qui sunt nec re nec nomine noti,  
Dedecus ingenij, maculæ labelsque scholarum,  
Doctiloque jumenta deę, fæx infima fæcis,  
Tercentas habet ille minas vel pondo quotannis  
Prima elementa docens doctrinæ, tota salutat  
Plebs nostrum magnâ vocis gravitate magistrum  
*Virgilium* exponens (*Ripheus* iustissimus vnus)  
Qui fuit in Teucris & servantissimus æqui)  
Inquit (equi *Ripheus* servator & vnus agaso  
Qui fuit in Teucris iustissimus) O sale mentem  
Conditam quanto! græcum si calleat alpha,  
Vel beta hic proferre, quibus non audeat illa  
Obiicere, & paucis obtundere vocibus aures  
Carmina si quando condant, sit gallus & omnem  
Accentum mutat, nec non pater Ennius ipse est  
*Isocratis*, quæras, quæ sit sententia Volſi  
Ostendenda prius *Romani* versio, nullus  
Græcorum est vsus librorum attentior, inquit,  
Iure Crates turrim summæ conscenderet arcis  
Sublatâ sic voce ferens, quæ infania (cives)  
Vos cœpit quæ *Tisiphone*, tortique colubri  
Vestras exagitant mentes, in viscera talpę  
Defoditis terræ, fulvumque exquiritis aurum;  
Non prohibent venti ventis dare vela, marisque  
Sidentis fluctus, terretve tumentis hiatus  
Merce rates onerare novâ, quæ nata fluentum  
Trans Tyberis, fulvi ad natos quâ pondo metalli

Quæ.

*Pedotrophe.*

Quæritis, & nummos; natorum at cura parentes  
Nulla tenet, modo divitiis stirps affluat, ultra  
Nil curæ est, cunctos quamvis sapientia micæ  
Nulla ornet, mentisq; inopes, cerebroq, carentes:  
Ut si quis soleam conservet, negligat autem  
Ipse pedem, quis non cæco insanire furore  
Hunc dicat, furiisque actum, Bacchique latenter  
Percussum *Thyrso*, totis ardere medullis.  
Læta cui gravitas, cui mens animusque severus  
Vitæ labe carens, vitio nec notior ullo,  
Artibus insignis, quem non *Romana* venustas  
Argolicæ latuit quem non elegantia linguæ,  
Prudens, doctorum non ultima fama virorum  
Quem non ira gravis stimulat, clementia quem non  
Blanda nimis perdit, (stupor hæc, furor illa putatur)  
Sed blando tristis, tristique affabilis ore,  
Tempora qui norit, varias rerumque locique  
Ingeniique vices puerorum, seque, deumque;  
Huic tuto credas natum, quicumque docendum.

Ira furor mentis vecordia pectora fecit  
Prudentis, canos & delirare capillos;  
Insanire facit sanos, pietatis, amoris,  
Candorisque odium cuncti, fons, vena malorum est,  
Hæc est *Tysiphone* tortis armata capillis  
Sanguineas stimulans cædes, & triste duellum,  
Dira *Megara* faces præfert, tædasque doloris,  
Exanimans, cuicumque manus iniecit acerbis  
Hæc dira *Alecto*, quæ reddit inani avoci  
Ora hominum, sævo quo, vultus lumine terret

Hunc



*Pædotrophe.*

Hinc rixæ, bellum, pugnae, discordia fratrum:  
Crudelem fecit matrem, crudumque parentem  
Et Præceptorem injustum, qui sæpè beatas  
Perdedit iniusto puerorum verberare mentes,  
Sunt pueri quibus est concussi verberis umbra  
Poena gravis, queis effinxit præcordia Titan  
E potiore luto; sunt queis vix verbera secti  
Tergoris, incutiant poenarum odiumque metumque.  
Nobilis ibit equus nullis calcaribus actus,  
Sed iumenta petunt stimulos, virgasque sonoras.  
Insipiens maculat generosi verberare costas  
Quisquis equi, fractisque fodit calcaribus armos,  
Nec minus, ignavum verbo qui flectere aellum  
Se putet, & nullis non personuisse flagellis:  
Sævitia est clemens, clementia sæva magistris  
Observanda, merum nixtum fluvialibus undis  
Unda placet commixta mero, cum frigore iuncta  
Aestas, temperiem frigus cum æstate creabunt.  
Singula quæq; nocent simul hæc commixta iuvabunt  
Maternæ facti lingue, vocisque periti,  
Scribere & in variis voces posuisse lituris  
Discant, non foliis teneræ nec cortice cedri,  
Sed chartâ, quam gnara manus de stamine panni  
Conficit attrito, tuditis conamine magni:  
Conservat scriptura artem, sophiæque ministra est  
Grammaticam docti, ornatè legesque loquendi,  
Annales rerumque legant, discantque poetas  
Expoliunt mentem ingenuâ ratione, priorum  
Commonstrant exempla virum, heroumque labores

De

*Padotrophe.*

Depinget mores hominum iuvenumque senumque  
Comica debetur cui palma *Terentius*, omnes.  
Sollicitus quantum *Simo* pietate parentis  
Corrigere errantem natum, quam *Tamphilus* ægro  
Sevus amore, *Davus* quam fallax, *Demia* durus,  
Vanus & *Euganeâ Thraso* quam mollior agna,  
Mitio mansuetus; speculum tu consule, vultum  
Certius haud poteris, hinc quam discernere mentes:  
Pellæum quis non iuvenem gauderet in ipsa  
Cernere cernentem pugnâ, *Persamque Darium*  
Sublimem curru ex gemmis atroque vehentem,  
Mox galeæ e rimis lutulentum haurire liquorem,  
Hoste triumphato *Decios, Mariosque, Camillos*  
Insignes, *Xerxis* densas variasq; phalangas,  
Hæctora terribilem cristis, costisq; tumentem,  
Instar & innūmeri certantem militis unum,  
*Amonii* mox quadrupedis vestigia passim  
Sanguine consperso maculantem, fulmen *Achivum*  
*Æaciden* celsæ quatientem moenia *Troje*,  
Extinctum *Paridisque* dolis dirâque sagitta,  
Non hæc ut cernas, manes exire sepulchris  
Horrendos facias, species nec dæmona falsas  
Induere in circi medio, sub limite calcis,  
Consule librorum speculum, Curtique volumen  
Succinctum, *Crispi* nec non compendia docti  
Annales *Siculi*, *Livique* volumina magni.  
Tullius eloquii pater est, legumque rogeque  
Patronus, patriæque pater, virtutis amorque,  
Nocturnâ versetque manu, versetque diurna



*Padotrophe.*

Hunc puer, ut fari discat sermone disertō  
Sensa animi, mentesque regens & pectora mulcent  
Quem *Cicero* sacer elysiis miretur in agris  
Laurea concedet linguę, splendentia longę  
Cedant arma togę, vicit facundus *Vlysses*  
Aiacem clypei dominum septemplex oris  
Vultu tollentem torvo, cunctisq; minantem  
Sufficiat verbis nec differuisse solutis,  
Carminis at stricti modulari nexibus æquis:  
Emollit metrum mentes fecundaq; reddit  
Pectora conceptus alti, solamen & vnum  
Ingenii tristis, duręque remissio curę est,  
Sylvestres ducens homines, fluviosq; ferasq;  
Plutonis vincens animos, tria colla trifaucis  
Infernę canis, armatus nec lumine multo  
Effugere hoc poterat custos *Iunonius*, argus.  
Quid mage divinum est Augusto carmine vatum:  
Mentis opus motę est, niveo quod splendet amictum  
Candore, & gemmis auro & pretiosius vllis,  
Æstus habet tantum quę purgamenta marinus,  
Carmen at ingenii factum mentisque serenę,  
Numen amat, seseque coli vult carmine sacro,  
Hinc *Psaltes* sacri commisit pectoris hymnos  
Nexibus eloquii vocalis, cantica versu  
Eduntur modulata pio, sic languida tristis  
Pectora concinno solvit sua murmure *Jobus*;  
Quin tamen hoc miseri contemnunt, nescia fato  
Quo, nisi quod nusquam superasse cacumina montis  
*Parnassi*, fontesque datum exhaustisse canoros

Utq;

*Pædotrophe.*

Utq; febris quem dira tenet, quod dulce sapore est,  
Insipidus, morboque exsensus jurat amarum,  
Sic musas, vatesque illi vocitare profanos  
Audent, & doctas vitijs lacerare Camœnas.  
Hic tressis si scurra, bibax, furtivus adulter  
Pergrêcetur, amans scortum, vilemque tabernæ  
Cauponam, nudos vini post pocula versus  
Condat, & obscœnæ narret meretricis amores  
Infandos, turpesque silenti in nocte susurros,  
Fescennina velut fari, sit fundere divos  
Castalidum latices, & amantes enthea musas,  
Ignavum vulgus quos non damnare poetas  
Audet cerritos? & quo non crimine dignos?  
Cæcus amat cæcos, orbemq; hunc luminis orbem  
Esse velit, miseros miser optat, & Irus egentes,  
*Iupiter* humanæ quanta est discordia mentis!  
Munera cuique Deus tribuit sua pondere certo,  
Omnia sed nulli, cur indignare negata  
Dona tibi, concessa aliis, ferresne moleste,  
Te volucrum pennis, pinnisque carere natantium.  
Ergo Deus quęcunque dedit, mirare libenter,  
Invidisse bonis noli, nil justius hâc est  
Invidiâ, authorem quæ perdit criminis ipsum  
Nec satis est legisse, altâ sed mente repostum  
Doctrinæ servasse penus, rerumque thesauros,  
Et vocum, varios quæ post promantur in usus,  
Mnemosyne mater musarum est, intima cæci  
Occipitis servans penetralia, solæ fluentes  
Instar aquæ, revocans annos: reparabile tempus



*Pedotrophe.*

Temporis & lapsi faciens memorabile gestum  
Vidimus in primis vel quæ levioribus annis  
Legimus, innumeros multo discrimine rerum  
Conceptus, condit loculis; mentique ministrat  
Singula poscenti, species deprompta receptæ  
Non nocet, ingrediens non impedit egredientem,  
Qualis apes æstate novâ consortia mellis  
Tecta refingentes naturę dirigit ordo.  
Sedem habet in molli partim, partimque cerebro  
Præduro, quod cera velut signata reservet  
Stigmata, moxque novas patiatur molle figuras,  
Desidiam hæc exosa situs rubigine torpet,  
Impatiens Veneris nimie, nimique lyæi,  
Sæpe colendo viget, grati patientque laboris,  
Lucis amans primæ est, medioque inimica diei,  
Pervigil in plumis, nonnunquam fallere noctem  
Consuevit longam, primi post tempora somni:  
Utque athleta gravi vibrabit plumbea dextrâ  
Pondera, quo melius vacuum sine pondere vibret  
Mnemofyne graviore colendi exercita curâ  
Promptior ad sensus leviores redditur actus.

Non dapibus lædenda, petit nec fercula fartæ  
Hæc adipis, parcum, cunctisque parabile victus  
Exposcit genus, exoptant quot funera matres  
Defunctis nondum natis, pinguedine carnis,  
Tot morbos patiuntur, edit sic pectora tabum:  
Splendida si mensis prandî apposuere parentes  
Fercula, si cœna apposita est adipalis amicis,  
Carnivori totos orbes, quadrasque, patellas

Præ

*Pædotrophe.*

Prædantur, gallinæ artus, gallique lacertos,  
Ridiculi totas simul absorbentque placentas,  
Artocreasque, sapit docto quodcunque palato.  
Inde ubi vix portent distenti pondera ventris,  
Mollibus in lecti plumis, stratisque locandi:  
Noxius ascendens halitus, foetorque cerebrum  
Inficit ex stomacho, viresque in pectore perdit,  
Mnemosynes hebetans aciem, conamina pulsus  
Debilitans, nervos enervat corporis omnes:  
Hinc scrophulæ in collo, totumq; per vlcera corpus  
Mors inopina diem prævertens, funus acerbum;  
Quid juvit pueros atagen, quidque afra volucris  
Quid Rhombi, conchyliæ quid lucrina, scarique;  
Grata alvo potior pueris est malva, fabarum  
Puls, lapathi levis herba, & coctipocula juris.  
Debeat hæc mentis recolendi abstrusa facultas  
Gratior esse, gravi, quam quæ mergatur in alvo:  
Persarum regem, pontique hæc laudibus auxit,  
Gentibus hic senis quater, ac interprete nullo,  
Jura dedit; cunctos numerosi ille agminis vnus  
Nomine compellans proprio, tot millia in vno  
Continuit capitis cerebro, quid dicere *Crassum*  
Quid *Senecam* juvat? hos nostras *Chrichtonius* omnes  
Vicit, qui ad verbum quęcunque audita referret,  
Integrosque logos, & mille ex tempore versus.  
Hæc consulturo de rebus grata, futura  
Præteritis dudum componens, lapsa futuris.

Ingeniū si prima acies hebes, aspera mentis



*Pædotrophe.*

Si cultura; feras puero non ergo Minervam  
Invitam, iratumque Jovem, tristesque Camænas:  
Fit rude, quodcunque in teneris enascitur annis,  
Naturæ, sive artis opus sit, vertice lympa  
Declivi jam distillans, mox flumine terras  
Verrit in immensum, procera in montibus ornus  
Virga fuit, segetes semen, chaos & rude mundus:  
Mane, puer prono projectas corpore palmas  
Quadrupedis de more trahens, in pulvere reptat;  
Solis ubi medii venerunt tempora, rectus  
Stabit & erectos extollet ad æthera vultus:  
Sic Deus & rerum sapiens natura, creata  
Instanti, gradibus sed perficienda putavit.  
Græcorum varias dialectos discat, Hebræum  
Doctrinæ foetus libros, his mystica rerum  
Eloquiumque Dei creduntur, copia Græcis  
Verborum, series rerum, facundia linguæ,  
Romanis decus eloquii, doctique lepores.  
Artibus his pulchrè instructus puer omnibus, ipsum  
Sæpe Stagiritam legat, hic fons vnus aquarum  
Unde fluunt rivique & longi flumina tractus,  
Hinc sophiam exhaurire licet, quæ maxima virtus  
Est animæ, vitæ jucundum, vitæ & honestum,  
Utile, quæ lapsam instaurabit origine mentem:  
Humanæ partes animæ tres; prima potentis  
Est expers rationis, habent animantia cuncta  
Communem hanc, hominesq; feræq; & reptile quic-  
Corpus alit virtute sua, vitamque tuetur, quid)

Nocte

*Pædotrophe.*

Nocte viget, mollem admittunt quum cætera somnū  
Pars cognata polo (quondam genitoris imago  
Nunc miseris (miserum!) erroris submersa tenebris)  
Mens, rationis habet primumque hæc luminis omnis  
Principium, Cœlos scandens & Tartara lustrans,  
Has inter medio fertur discrimine, mentis  
Imperio quæ vel paret, vel iussa repellit  
Cuncta boni affectans aliquâ sub imagine veri  
Persequitur, specieve mali averfatur & odit,  
Quid poterunt animi, sophiæ sine munere, dotes:  
Crescat in immensum quamvis, non sydera tanget,  
Inque asinum viget & corpus sine pectore gestat,  
Cum talpis fodit in terram, sine lumine Solis,  
Seque alios nescit, non visus mille periclis  
Noxius, indomitâ sylvæ cum tigride rancat,  
Frendet agrestis aper, sus grunnit, & vncat asellus,  
Estque feris ferior, teneris vel mollior agnis:  
Viribus humanis non quæ natura negavit,  
Acer, & intentis oculis ea pectoris hausit,  
Crescentis miser ignorat primordia mundi,  
Quid Deus, vnde nives, quæ fulminis extat origo,  
Obscuros terre motus, quâ lege morantur  
Sydera, & accelerant; non terræ ac æquoris oras  
Describit, caput aut cœli inter sydera condit;  
Pondus iners terræ, infirmus fit mente manuque,  
Non ventis dare vela audet, maris inscius: orbem  
Visere longinquum nescit, ventosque, polumque  
Ignorans: digitos numerare & ineptus, ab Indis  
Non merces portare potest, non vendere: miles



*Pædotrophe.*

Lixa nisi, fuerit nunquam; cui missio fiat  
Sanguini; & multo maculentur verbere costæ;  
Non dux, optio, præco, tribunus, signifer anteit.  
Pallidulus ne textor erit, non sartor & omnes  
Proteus ad formas: non sutor: cerdo: colonus,  
Tempora quum nescit, partesque volubilis anni:  
Quid? fatuus sacris soleat qui ludere festis,  
Ilignum portet brachio qui sedulus ensem,  
Esto: & qui in cunctos opprobria jactet amicos,  
Cuique cavo tinnit resonabilis ære cucullus.  
Tantum homini est sophiæ studio, virtutis amor:  
Intentum, doctis sophiæ macrescere libris.  
Est modus at rebus, certosque scientia fines  
Hæc habet, hoc studium metis, certisque tenendum,  
Cancellis: nimium quicquid, deforme, nefandum  
Est scelus, in medio recti stat limite virtus:  
In studio servanda, vices, & tempora; sera  
Lectio fit damnosa viro, vitiatque calorem  
Corporis & stomachi, vires, alimenta que perdis,  
Intempestivi hinc cani, mors cruda, dolores  
Innumeri, cephalæa, angina, cachexia, febris:  
Hinc furor, insanæ nec non diliria mentis,  
Hinc miser Orbilius doctrinæ oblivio, quondam  
Nominis oblitus proprii; Corvinus & ipsum  
Messala nescivit. Cupiunt alterna Camœnæ.  
Lusibus assuescant nonnullum perdere tempus,  
Flectere cornipedem gyro, lusisse datatim  
Harpasto, longâque pilam propellere clavâ,  
Et grandire gradus, rapido contendere cursu,

*Padotrophe.*

Ingeminare melos, numeros intendere nervis:  
Scacchia non curæ fit blanda remissio, vexat  
Quin cerebrum; studij, non lusus nomine digna.  
Plistobolinda nocet pueris, jactusque fritilli  
Dissolvunt animos & pectora inertia reddunt.

Principia edocti rerum, motusque vicesque,  
Iamque creaturas postquam terræque polique  
Et maris innumeras lustrarint, molis inane  
Ut nihil in gremio mundanæ, ut corpora sursum  
A centro levitate abeant, gravitate cadantque  
Terra mari subnixa globum fingentia eundem  
Ut fidant, aer, ignis sine pondere scandant;  
Corpora mista suos nec non subeuntia motus,  
Profiliantque, feri ruptis ut nubibus ignes,  
Hinc stellæ cœlo volitantes inde cadentes:  
Aeris ut densi speculo resplendeat Iris.  
Grandinis, atque nivis, pluvix, rorisque cohortes  
Singula ut intereant, oriantur singula rursus,  
Utque animæ internæ dotes, ut corporis artus,  
Articuli, stetque ut mortalis fabrica trunci;  
Cernere non tantum, cunctorum expendere causas  
Quum poterint: quanti species variasque figuras,  
Mensurare, orbis metas, molimina mundi  
Inter utramque domum Solis, zenithque nadirque,  
Antipodasque, Antœcos, affines Periœcos.  
Astrorum aspectus varios, motusque locales,  
Ortus, occasus: Solis Lunæque labores,  
Vertentis menses anni, noctesque diesque,  
Hinc horas, horæ quartasque, minuta, secunda.



*Pædotrophe.*

Inde Creatorem discant; qui trinus & vnus,  
Omnipotens, coelum immensū (quod nescio) lustrat  
Cūcta replens, cūcta amplectēs, perq; omnia præsens  
Ex nihilo rerum formator, numine magnum  
Qui vegetat mundum, dextrā propriūq; potente  
Seruat opus, pereat, fixo-ne aut limite aberret.  
Angelicę parent turmæ, pinnosa profundi  
Aeris & pennosa, hominum pecudumque propago,  
Reptilium genus omne, vdo quæ in cespite florent.  
Qui duxit genus e Stygiis mortale tenebris,  
Factus homo-deus in nostris qui habitaverat oris  
Nubivagos alto molitus ab æthere gressus  
Sufficit & tristi vires, spirabile numen,  
Anchora sacra piis, qui consolatur in arctis  
Spiritus, in terris cœlique est arrha micantis.

Quæ facies, quæve ora Dei non cernere possunt  
Mortales, superant nostras cœlestia vires;  
Sed quum summa dies venit, tellure resurgent  
Corpora quum ruptâ, resonabunt nubibus altis  
Clangentes hinc inde tubæ, tunc cernere vultus  
Ætherios, habitusque licebit, valle sedebit  
Quum iudex, justâ decernens omnia lance.

O vtinam dextrâ liceat sedisse Tonantis  
Angelicos inter cuneos, examina patrum  
Sanctorum, pæana Deo Christoque canentem.

*FINIS.*

AD  
CLARISSIMUM ET

ORNATISSIMUM DOMINUM,

M. T. HOPÆVM à Craighall, alterum Regis

*Advocatum, Regi à Consilijs sanctio-  
ribus & Scaccario, Mæcenatem.*

**S**acrificasse Deo natum cur fertur Abramus?  
Nec tamen effusi gutta cruoris erat?  
Cur nisi quod numen, factum voluisse putabat  
Esse satis, mentis quod volet obsequium.  
Accipe sic (Domine) hoc votum, placuisse studebam,  
Sin minus hoc feci, sit voluisse satis.

Ad eundem.

*Sacrificasse Deo natum spes fecit Abramum,  
Spes eadem sacrum scribere me voluit.*

Tibi addictissimus  
R. Fairlius.



# NATALES

&

## ARAE ISACI.

**Æ** Theriâ Pater arce sedens, despexerat orbem  
Desuper, intentis mundi in penetralia limis;  
(Nulla licet vastę, subsidit crypsis abyssi  
In medium, resilitve omni super orbe recessus  
A medio, humanos fugiunt quę dissita sensus,  
Quo non diva suo pertingant lumina visu)  
Dumque acie mentes scrutatur & ima suorum  
Corda, pii vidit constantia pectora *Abrami*,  
Quanta foret sine labe fides, vis quanta timoris  
Condita divini lateat, quam immensa favillis  
Eruta, mira spei flagrent incendia, quantis  
Entheus & flammis arderet numinis ardor:  
Illius utque alii exemplo pietatis eandem  
Suspirent remo, veloque attingere metam,  
(Æmulus alterius namq; est homo, vitæque nostros  
Nunc aliena fovet mores, si recta reformat,  
Improba sed faciles parili nos crimine foedat  
Humanæ possunt tantum exemplaria vitæ)  
Hinc Deus *Abramum* statuit proponere mundo  
Exemplare sui cultus, ut cerneret orbis  
Quanta piis dederit, vel quâ ratione periculum  
Exigat hîc fidei, proprij quo numinis ardor  
Religioque magis communis, clarius astris  
Splendeat, & totas terræ pertranscat oras

*Natales & ara Isaci.*

*Abramus Mamre* in campo confederat ante  
Ostia tentori, ac alterno lumine lustrans  
Mitia rura soli, & sublimia culmina Olympi  
Conspexit tres forte pari contendere gressu  
Humanâ indutos specie, qui sistere sese  
Ut primum cepere viri, divina refulsit  
Effigies, vultusque simul portendere visus  
Magnum aliquid, gratos *Isaci* scilicet ortus  
Grandævo narrare patri demissus ab alto  
Nuncius augustus; queis assurrexit *Abramus*  
Obvius occurrens, & genua relapsus ad iuva  
Sic fatur. Quæ vestra (viri) sit gentis origo  
Me latet, aut quibus a terris has tangitis oras;  
Si non in nostrum libeat divertere tectum  
Mobile, & errantes hinc inde subire penates  
At vestrum (Domini) nolitis temnere servum,  
Lympha pedes quin clara lavet, quin flumine puro  
Abluero, viridique super requiescite fronde  
Panis ut apportem frustum, vestrique focillem  
Defessas animi vires, conamine coeptam  
Post meliore viam quæcunque sit illa feretis  
Nec mora supplicio parent precibusque pudicis  
Sternunt se lentos, citus ille recondita visit  
Tentori, *Saramque* jubet fata terna parare,  
Dipsiticamque simul similæ pinsare farinam  
Ipse armenta petit, vitulumque repente tenellum  
Vberibus rapit a matris, butyrumque benignus  
Lacque simul niveum mensis comedenda reponit,  
Apparitorque velut stans, vasa & verba ministrat.

Hic



*Natales & ara Isaci.*

Hic cibus Hebræum, tunc scitamenta priorum  
Hæc fuerant, victus nullo cogente creatus  
Quamlibet & plenus fætum comprehendere mundus  
Vix poterat, gravido pinnosâ gente profundo,  
Aere pinnosę gravitante propagine prolis,  
Et mage fæcundæ fæta matrice parentis,  
Nondum enim in internos mundi penetraverat artus  
Diluvij falsedo, super sed strinxerat orbis  
Extima, longinquo nondum exsiccata calore,  
Non maris immensi vastarant ilia, matris  
Viscera nec gravidæ, gens serpentina secarat;  
Occurrisse lepus poterat per gramina tuto,  
Nidificavit avis medio sub culmine tecti  
Ipsa sibi, vidit parvosque senescere pullos,  
Tanta gulæ Hebræis fuerat moderatio sanctis.

Illi epulis sedare famem his vndâque ciboq;  
Corpora sunt visi recreare, potentia quamvis  
Hæc renuat divina, fames quam nulla labantem  
Conficit, ægra sitis torquentve incendia siccæ,  
Omina læta dabant Christi de carne futuri:  
Quamlibet hic Deus, & rector terræque polique  
Cui jubar, & gemini famulantur cardinis axes  
Nubivagos facturus erat jam ex æthere gressus,  
Virginis vt repleat ventrem, de flamine sancto  
Sorte satus mirâ, post carne & veste recinctus  
Humanâ, humanos sortitus corpore sensus,  
Hanc coleret terræ faciem, mortalibus vna  
Cum miseris, hinc inde vagus, qui frigore denso  
Algeat, æstivoque vacillet debilis æstu

*Natales & ara Isaci.*

Raderet esuries ventrem, sitis arida fauces  
Verus homo Humani nihil abhorreret, iniqui  
Labe carens solâ, peccato & liber ab omni.

Interea hospitij dominam Saramque requirunt,  
Substiterat foribus tentori, egressa nec inde  
Spectabat suspensa, viri quæ forte referrent,  
Quû breviter deus haud constans deus esse, recenset:  
Solibus O Mater veniet labentibus annus  
Quum Pater æthereus stellatâ mittet ab arce  
Coelicolûm, beet effæti qui semina ventris  
Obstructique licet senio tibi vincula rumpat:  
Inde ferens vterum gaudebis nomine matris,  
*Abramum* faciens perpulchrâ prole parentem,  
*Sara* vacillantem tum tu malè præscia mentem  
Prodideras, risisse Deus te sensit & altum  
Splene licet tacito, petulante dedisse cachinnum;  
Non tibi quod raro pendebant vertice cani,  
Quod frontis rugosa cutis, quod invtilis annis  
Iam promittebat nullum tibi stemma maritus  
Ergo tonantis erat temnenda Prophetia summi:  
Ecce jubar vix inde novem transegerat orbis  
Signa recurvati, humanus quo limite partus  
Clauditur, & gravidum solvunt quæ tempora ventrē  
Matricis sensit quum rupta repagula siccæ  
Seque novæ foetam vitæ, vagitibus aures  
Impleri gratis: vix sensum lumina possunt  
Ducere communem, nescit quæ visa, videri,  
Mens cumulo gaudî obstupuit perterrita tanto,  
Fit strepitus tectis, vocemque per ampla volutant



*Natales & ara Isaci.*

Tentorí, juvenesque senes, & turba popelli,  
Exhilarata suos geminarunt pectore plausus,  
Sperat anus se posse viro producere prolem,  
Effætamque senex se pulchrè implere maritam.

Interea vocat illa virum puerumque lacertis  
Exponens patriis, sublatâ talia fatur  
Voce, pater fueras nec frustra semina ventri  
Credideras *Hagaris*, quanquam de sanguine natus  
*Ismael*, ancillâ fuerat nisi matre oriundus:  
Advenit lux festa, novam quâ lumina cernant  
Exiluisse tibi nostro de sanguine prolem,  
Munia teque novi pergrata subisse parentis,  
Evax! jam felix dicar, jam nulla dolebo  
Præterea, sunt grata adeo mihi tempora partus.  
Quis neget a sicco tacti quin fulmine colles  
Producant segetes, quin multâ fronde virescat  
Callis, arenoso ducatur littore sulcus  
Et sterili quamvis committite semina terræ  
Nil desperandum, Deus est qui temperet orbem.  
Dixit, & in laudes divini numinis ora  
Solverat, inde pater passis ad sydera palmis  
Talia voce refert, Tu qui molimina mundi  
Fundasti, & totum quantum est immane crearas  
Ex nihilo, e tenebris lucem, divûmque hominumq;  
O pater, extremæ jam qui infœcunda senectæ  
Emensus; vitæque brevis bis dena peregi  
Lustra, coronatos videam mihi prole labores,  
Genua labant, nutant incurvi corporis artus  
Præ senio, Florę nequeam ut nec visere campos

Nec

*Natales & ara Isaci.*

Nec montis superare jugum, quo cernere possim  
Quanta creaturis largitus dona benignus,  
Dimidiata poli patuit quā sphaera rotundi  
Quot florum species variae, jumenta quot herbis  
Pascantur quot monte ferae, qui flumine pisces  
Teque creatorem laudent ut cuncta potentem:  
Ecce domi quibus oblecter mea gaudia sidunt,  
Gaudia, quae quamvis avido, mihi pectora amoris  
Nectare sicca rigent vestri, nunc Hestia nostri  
Tentorū stat fota tuis in saecula flammis  
Quid mundi mirer molem? quid semina rerum  
Contempler nobis parvi nova machina colmi  
Ex caeca effæti ventris surrexit abyssus.  
O lux festa mihi pario signanda lapillo,  
Quae quum cursus equos sensisset noster anhelos  
Et volucris pennis transfiret vita citatis  
Illuxit! Tu cresce puer, tua (fascinus absit)  
Syderibus coeli innumeris erit æmula proles.  
Vagitus dedit ille rudes, nam limina mundi  
Quum primum ingredimur, curæ subeuntis imago  
Pingitur irato in vultu, tunc flebile vocis  
Murmur ab ore ruit tristi, ceu dira futuri  
Omina sanciti naturæ lege laboris:  
Hæc rudis, arte carens, proprii sed præscia damni,  
Væ bene quum nescit fari *va* sæpius edit,  
Iamque diem jubar Eois ducebat ab oris  
Octavum, stricto membri pater ense rescindit  
Primorem carnem, cultro & præputia tollit,  
Hæc Deus instituens externi foedera signi.



*Natales & ara Isaci.*

Immunes signare velit nos sanguine Christi,  
Et tutos foedâ primorum labe parentum,  
Si modo peccati patiamur vincula rumpi,  
Natales toto & detergi corpore nevos:  
Si quis enim cancri vexatus vulnere, carne  
Exesâ, & totos vix tutis ossibus artus  
Consumptus, virus morbi immedicabile sentit:  
Ense recidendum est, ferro aut candente domandum  
Mortiferi ut cesset serpens contagio tabi.

Inde velut quercus fluviorum consita ripis,  
Agricolæ cui gnara manus conciderit ultro  
Nascentes imo trunci de stipite ramos,  
Accrevit; Dominumque suum, patremque beavit  
Proventus spe ingente sui stirpisque futuræ.

Ecce autem nulli proprio stant fixa tenore  
Gaudia mortali, quæ non comitetur amarus  
Mæror, & exacta si quis ratione probarit,  
Parva voluptatis res est, & guttula veræ  
Lætitiæ præ quam sunt diri immensa molesti,  
Largior est fletus risu, nos machina flentes  
Tollit, & enutrit lachrymis, spectacula præbens  
Quotidie deflenda, dein quum ex carcere duri  
Mæroris, mors grata animas dissolverit, ipsi  
Ut sicci, flentes tamen exaudimus amicos:  
Jam stetit in nato chari pia cura parentis,  
Inque vices amor accrescens, hinc blanda voluptas,  
Obsequium hinc erga charum proclive parentem.  
Quum subito e cœli templis fragor exilit horridus  
Et tonitru vestita ruit vox desuper alti

*Natales & ara Isaci.*

Numinis, *Abramo* mandati nuncia duri:  
Aufuge cum nato, *Moriæ* pete sedulus alta,  
His super *Isacum* nobis (quem diligis vnum)  
Offer, pelle moras, vestrà cadat hostia dextrâ  
Filius, & strictum vestro nunc sanguine ferrum  
Tingito, monstrati super ardua culmina montis.  
Nec mora, quum primum terras sine temporis artu,  
Jam lampas *Phœbea* dedit fulgore coruscas,  
Cingitur, atque asini quum fixit ephippia tergo,  
Accelerat, servisque simul pueroque recinctus.  
Utque pecus quam imbelles, puer petit impiger aras  
Inscius ah leto quamvis incumbere letum,  
Atque ubi fatales *Moriæ* pervenit ad oras,  
Emicuitque locus cædis, mens victa recessit  
Speq; metuque hærens, momento hinc indeq; parvo  
Flamine ceu propulsa ratis, sed flumine tarda  
Pellitur, hinc illinc nutat, modo subter in vndas  
Mergitur, antennæque madent, modo concita currit  
Tarda modo sistit, canus nihil arte magister  
Profuerit, cunctique madent sudore metuque;  
Obsessus mœrore pater, sic ducere mentem  
Ipse vacillantem nescit, mactare tonanti  
Spiritus hortatur, gratisque id reddere coelo,  
Quod dederit gratis, caro sed male suada retentat,  
Tunc tuo patriam patiaris sanguine dextram  
Foedari, & tantæ te spem deperdere stirpis,  
Est circumcidisse satis, ne cedere tentes:  
Hæredi dabis hæcne tuo bona patria, vitæ  
Exhæres sit ut ipse suæ, num gaudia *Saræ*



*Natales & ara Isaci,*

Extinguas, canosque illi in moerore sepulcro  
Condas, heu facinus moliri avertere tantum,  
Ingemuit, geminamque intus sub pectore pugnam,  
Sensit, quale solet morientibus intima mentis  
Dissidium turbare, feris mors horrida telis  
Stans armata rapit vitam, conamine contra hæc  
Nititur, amplexuque suis pro viribus hæret  
Corporeo, miser at æger disrumpitur intus  
Ilia, nec potis est altum sufferre dolorem.

Incedit moestus quamvis, vestigia ponit  
Quælibet in bivio, stabile est nunc inde reverti  
Consilium, mox inde jugum pertingere montis  
Est animus, non vna sedet sententia menti.

Ergo vbi pervenit divino numine ductus,  
Et fidei curru superare cacumina montis  
Cœperat, utque humeris sarmenta reponere sacris  
*Isaci* semet tulerat, puer inscius (inquit)  
Cerno pater saxum, sacrum fiet vnde requiro,  
Quæ cadet incensis, jam me fugit, hostia flammis.  
Perge puer dabit hanc numen cœleste, colendum  
Se voluit, cultusque dabit quæcunque requirit.  
Vix ea fatus erat, puerique averfa videbat  
Terga gradum properantis onusq, heu triste ferentis  
Quum graviter gemitus imo de pectore ducens  
Expleri mentem nescit, suffunditur ori  
Letalis pallorque ruborque & mille colores.  
Maturare fugam cupiunt, ne, noscier ipsis  
Tanta mali possit facies, sed carcere clausa ut  
Corporeo sentire, simul penetralia cursu

Con

*Natales & ara Isaci.*

Contendunt petere, hoc seseque avertere facto:  
Taurus uti fratris gravidâ percussa securi  
Tempora quum vidit, fugit horridus ore tonanti,  
Exornatque fugam pavidus, sed carcere clausus  
Liber ubi latos nequeat percurrere campos,  
In latebris sese condit revolutus in imis,  
Cognato madidam videat ne sanguine terram.  
O scelus horrendum exclamat, O dextra nefanda!  
Sanguinis an nostri madefies sanguine, vitæ  
An vitam extingues nostræ, quæ emensa remensus  
Phœbe retro legito, tua lumina condito in undis  
Ne tantum dicare scelus vidisse, marinis:  
Me miserum! matris gessitne hunc arida matrix  
Fatale ut gestaret onus, num flamine vitæ  
Spiravit, sævis spirent ut viscera flammis;  
Jamne mihi nati Natura negarit amorem?  
Nostra nec ingenuus percellat pectora motus?  
Æquore quicquid agit pinnas, & mobile serpit,  
Aera quod findit libratis æthere pennis,  
Spiravit quodcumque alinæ de semine matris,  
Prognatam curant stirpem; discrimine vitæ  
Sæpe suæ refovent, solvit quum flamina venti  
Æolus, & nimbos immisit nubilus Auster,  
Sub dio molli defendunt pectore foetus.  
Sic placitum; cunctis Naturæ Orbisque creator  
Hanc tribuit curam, mundi ut concordia constet,  
Æternæ rerum speciesque propagine fultæ,  
Nusquam dividuæ capiant discrimina sortis.  
Quin ego quem propriâ regeret ratione creandi,



*Natales & ara Isaci.*

Mens humana, feris longè pietate secundus  
Sustineo nati violentrâ tollere dextrâ  
Florentem primæ vitam sub flore juventæ.

Jamque reluctanter furtim perduxit ad alta  
Culmina, vis fidei, & divini numinis ardor,  
Frons quæ mœsta prius nunc exhilarata renidet,  
Quale nitet dium liquefacto lumine sudum,  
Præteritæ servât quod vix vestigia nubis.  
Instruit hic aras, sylvamque dat insuper omnem  
Constringitque manus filii post terga revinctas.

Ecce aliud miserum mage saucia pectora turbat  
*Abramo*, teriturque recenti angore cicatrix.  
(Ah) Puer exclamat (pater) ah ne verteris aures  
Quid tuus *Isacus*, quid te committere contra  
Jam potui natus? quæ stat sententia menti  
Crudelis genitor? contra me stringere ferrum  
Sustineas-ne? tuâque animam hanc effundere dextrâ,  
In quâ nunc tantæ spes tanta propaginis audit,  
Quid de combusto fiet nisi pulvis & umbra,  
Prætumidisque ferar cœli ludibria ventis.  
Magna equidem laus est, & præmia digna parente,  
Innocuum patrijs natum cecidisse sub armis:  
Tu Deus immensi ex nihilo Fabricator Olympi,  
Vos æterni ignes & stellimicantia signa,  
Me foribus sacrum vestris arcete reclusis,  
Si patriæ studuisse neci, studuisse veneno  
Tollere, vel vetulæ molitum incommoda matris  
Arguicis, vestros fugiunt quæ & condita ocellos?

*Abramæ* (ah) dixisse patrem me dispudet, vnum

Re

*Natales & ara Isaci,*

Respice filiolum, nostro ne sanguine divas  
Pollueris aras, gaudent simulacra cruore  
Astaroth & Milcom humano, quæ numina nobis  
Non dicenda, tibi hæc sed quid male grata revolve,  
Percute me ferro, collum mihi percute, mulxti  
Quod sæpe, vt tandem mulctes, dehinc carmine fatum  
Triste recenseto, & sæclis committe futuris  
*Præbuit Isaco Abramus vitamque necemque,*  
*Innocuaque necis dederat causamque manumque*  
Inde pater gemitu fatur, non nate paternus  
Est tibi causa viæ furor, aut tuus impius error;  
Celsitonans, templo clarum fulgentis Olympi  
Te statuet reducem, lætos vbi splendidus inter  
Aligeros cœli primus statuare ministros,  
Ne desponde animum, nec spe precor excide stirpis  
Arripito ingentes animos & mente litato  
Præsentî, Deus, ille Deus, qui ex pulvere finxit  
Mortales, potis est busto de semine prolem  
Efformare tibi innumeram, reminiscere divi  
Numinis, & quamvis Phoenix comburere flammis  
In cineres, tamen inde potens, atque æmula cœli  
Luminibus, canisque, jacet quas *Hadria*, arenis  
Nascetur proles, illis non tempora, metæ  
Imperiive modus ponetur, sole reverso  
Sæpius, adveniet vestro de stemmate mundum  
Qui regat, & montes massâ qui conterat altos,  
In speculo hæc adfecta fides mea perspicit, vnum hoc  
Mortalem nescire scio me, rector Olympi  
Quâ ratione dabit sæclo confecta futuro,

Quan-



*Natales & ara Isaci.*

Quamquā hominū mortale genus præsētia tantum  
Possidet, esto potens vel summus in orbe tyrannus,  
Inde sequens nescit promittere temporis instans.  
Mille sed ante Deus statuit quod secula futurum,  
Hoc certā citius nec serius advenit horā;  
Nullus enim magni rescindere certa Tonantis  
Jussa potest, non ipsa sibi discordia pugnant;  
Imminet ille dies mundoque novissimus instat  
Accensis coelos qui utcumque refingere flammis,  
Terrenæ & corpus convertere molis in vndas  
Cernetur, de lege Dei non tollere iota,  
Non apicem poterit, non si mutantur in ævum  
Tempora, & æternum fiat duratio seculum  
Hæc, pater, intrepidus contra sic filius orsus,  
Exigit ergo Deus vitam, donumq; requirit  
Ipse suum! pater obducta tu porrigere frontem,  
Matura gratesque deo cum laude sonoras  
Redde, vocat numen vitæ melioris ad ævum,  
Parce pater lachrymis corrumpere lumina falsis,  
Cœlitus acceptum, cœlo quin gratus eidem  
Reddideris, genitor cœlo ne oppedere tenta,  
Quo non dextra dei porrecta palatia cœlum,  
Terra pedes fulcit, divini est meta furoris  
Infernus; distringe pater, jam percute sacrum  
Intrepidus, gremioq; animam complectere nostram  
Summe Deus, fatusque humeros velamine nudans  
Distendit nivem toto conamine collum.  
His animum arrectus dictis Pater arripit ensem,  
Jam vires animamque gerit, distringere ferrum

*Natales & ara Isaci.*

Aggreditur, densoque ferociter aere vibrans  
Ventilat, occipite & summo tenus allevat ensem.

Jamque aciem in declive manus prærupta ferebat,  
(Ut prope perventum! pueri ut prope colla secabat)  
Quum subito *Abrami* dextramq; animumq; repressit  
Dextra Dei, quæ larga bonis & blanda benignis,  
Hæc collum laqueo obstrictum formidine mortis  
Vindicat, vna minas hostilis reppulit ensis,  
Seque sali submersum vndis, & piscibus escam,  
Restituisse solo docet alto elapsus Jonas.

Dum stupet, obtutuque hæret defixus in vno,  
Arrectas cœlo vox missa reverberat aures  
Angelica, exscindens nubes, & nuncia læti.  
Tolle (pater) natum, vaginâ ensemque reconde,  
Vinctas solve manus, vos hoc voluisse benignus  
Par ratus ac fecisse Deus, non sacra requirit  
Sanguine non vituli gaudet, nec cæde bidentis,  
Pectoris obsequium sinceri hic vnicus ardet.

Ille oculos sursum palmasque ad sydera tollens  
Æternum natumq; patremque & flamen adorat,  
Verecem quem forte manu comprehenderat aras  
Propter, mactat: iter sic ingrediuntur ovantes.

Hoc Deus *Abrami* exegit fideique periculum  
Non Satanæ de more, hominum qui pectora tentat  
Ut firmata fides fraude enervata vacillans  
Concidat, utque infirma dolis infirmior extet,  
At divina licet tritam perfringere cannam,  
Fumantem & nolit restinguere gratia stupam:  
Quin fovet hanc, ligat ast illam, nos vnica servat

Mor.



*Natales & ara Isaci.*

Mortales, extrema pedes dum tegula fulcit,  
Namque hic *Isaco* dum mortis sæva minatur  
Vulnera, dumque negat stirpem quasi foedera contra,  
Ipse sibi veluti, vero verumque repugnet:  
Interea monstrat vitam de morte futuram,  
Nullus *Alexandrum* tantâ pinxisset *Apelles*  
Arte, cavo nullus tantâ *Polycletus* in ære  
Duxisset, sculptumve daret, coelamine vivo  
Pyrgoteles, quantâ omnipotens mundique poeta,  
In coeno *Isaci* numen depingit Iesu.

Ille mater anus facta est, huic virgo futura,  
Huic Deus est, genitorque senex illi, vtraq; cunctis  
Suspicienda datur mundi generatio sæclis.  
Unus vterque patri natus, fundator vterque  
Innumere gentis, miranda dote potentes,  
Hic insons mactandus erat, mactandus & ille  
A Patre, post aras *Isacus* vixit in annos,  
Vivit & in coelis Christus, victurus in ævum.

*FINIS.*



*Epigrammata.*

AD

INTEGRÆ PIETATIS, ac omnigenæ virtutis & do-

ctrinæ Dominum M. T. Hopeum. à Craighall,  
alterum Regis Advocatum, Regi  
a Consilijs. &c.

**A**ura priscorum redierunt sæcla parentum,  
Temporibusque eadem tempora prisca novis  
Spes redijt, redijt Pietas, Astræa, Themisque  
In te uno cernas quas nituisse deas.  
Si non hæc totas lustrarunt numina terras,  
Saltem in te gentem percoluere tuam.

Ad eundem Meccœnatem.  
Meccœnas græcâ dicaris origine, doctis  
Mox quod sis, qui faveas studijs.

Tibi addictissimus  
Ro: Fairlius.



*Epigrammata.*

AD CLARISSIMOS & OPTIMÆ SPEI JUVENES, M. Ioannem & M. Thomam Hopeos, filios.

**P**ellai Iuvenis primos si Curtius annos  
Scripsisset, facti quam minuatur honos!  
Scribere me vestras vetuit Spes provida laudes  
Atque Heros (dixit) alter & alter erit,

*Ad eosdem.*

Tres Charites Spes vna fuit mortalibus olim,  
Quam miseri, quos Spes illa reliquit erant!  
Sed peperit Spes nostra, vnam si tollere fata  
Dura volent, Scotos Spes tamen inter erit.

*In Edinum Scotiae Metropolin.*

Sex simul infenso certarunt pectore cuius  
Urbs Edina foret numine tuta, dii.  
Cernite vos (dixit Neptunus) numina, quamvis  
Sit fundata solo ponere iura fallo.  
At mea sit (contra respondit Iupiter) arces  
Tarpejas cernas quamlibet esse domum.  
Hanc fili (Saturnus ait,) mihi vendico, nostri  
Quæ vidit primos temporis isse dies.  
Quin finito [dea Pallas ait] mihi reddito Athenas  
Alta Stagiritæ nonne lycæa vides?  
Excandens Astræa urbem sibi postulat illam,  
Quod videat verâ religionem frui.  
Res incerta manet, quæ sit in orbe Palemon  
Nullus adest, cœli iudiciumque fileat.  
Abnuat esse Themis iudex, nullusque deorum  
Inventus, qui non hanc velit esse suam,

AD

*Epigrammata.*

U.  
s.

Ad eximiae pietatis, raræ & omnigenæ Do-  
ctrinæ virum Dom. *Georgium Sibbaldum*,  
medicinæ Doctorem.

**G** Ratus ut extremis veniens mercator ab Indis  
Est patriæ, gemmis si sit onusta ratis!  
Gratior est linquens oras *Sibbalde* remotas,  
Ingenij tecum præmia tanta ferens,  
Non merces, sed mercedem virtutis & artis  
Apportas, vestræ est lausque laborum ratis,  
Expectatus ades, patriam qui laude beasti,  
Et quam nunc tanto plenus honore beas.  
*Scotia* pro te orat; plorat sed *Gallia*, facta est  
Invida, quæ *Scotis* invidiosa fuit.

Αλλο.

Παιωνος δειδώς τέχνας, δίδωτε θυγατρών  
Των Μυστῶν μόλῳα ἤκα μελιζόμενος.  
Τῶν τε λόγων Θέκωσι δειδώς, βιβλῶν τε βιβληαῖς  
Ερδύκων στυγόντ' ἀλλὰ τ' ἐπιβαμένος.  
Γηράι μὴ κρυφὸς, πάντων περὶ πάντα ἰόντας,  
Τοῖς τε βροτοῖς ἀγαθοῖς τιμῆς, ἢ δὲ θεοῖς.

In obitum Viri vere boni ac pii, plurimis in Ec-  
clesia Dei officijs functi, Dom. *Rob. Bodij*,  
a *Throchregia*.

**B** Odus occiduis micuit qui sydus ab oris,  
Occiduis (eheu) lumina condit aquis.  
Mundi qui contra motum, ceu sidera movit;  
Terminus at motus contigit inde brevis.

Divino



*Epigrammata.*

Divino verbi lustravit lumine terras,  
Hoc vivo nullum *Scotia* passa *Σκωτ.*  
Occidit, eclipsin nec passus transilit umbram  
Terrenam, empyreo figitur inque polo.  
Flete vices vestras (mortales) corrueat orbis,  
(Christus ait) cœli sydera quum ruerint.

*In mortalitatem hominis.*

**N**atus homo primæ flos est in flore juventæ,  
Et sapit, & pulchræ spirat odore rosæ;  
Marcidus at postquam terreno est carcere clausus  
Quam bene flos oluit, tam male funus olet,

*In transubstantiationis dogma.*

Papicolas quæ dira fames, quis bulimus vrget,  
Præda quibus poterit pellerenulla famem.  
Qui Christi prædantur oves, pascantur ut ipso,  
Effracti medio panis inesse velint.

*In Pontificiorum preces latinas.*

Discipulis fissas divina potentia linguas  
Attribuens vario fecerat ore loqui.  
Æmulus hoc Missæ tentabat fingere mystes,  
Quum *Maria* vetulam dicere iussit *ave*.

*In Pontificiorum libros.*

Nutrit *Roma* viros scribant qui fulmina Christum  
Adversus, miris conficiantque modis  
Nostrates eadem reflectunt tela ministri,  
Inq; sagittantes ipsa sagitta ruit.  
*Pœne Roma* suæ recidit confossa sagittis,  
Viribus & verè corruit ipsa suis.

*Epigrammata.*

*In Romanum.*

Si Lupa Romanæ gentis sit credita nutrix  
Non mirum, contra si fovet illa lupos,

Ad Clarissimum virum verè bonum, & Pastorem  
*Ecclesiæ Edinensis Dom. And. Ramisæum,*

**S**cotia natali felix quæ lumine, alumnum  
Te genuit claro stemmate patris, avi,  
Te schola formavit puerum cognominis, inq;  
Salmurio rexti docta lycæa sophus.  
Gallia te mirata, annos mirata juventē  
Ramisæi nomen Gallia tota colit;  
In patriam rediens decorisq; & plenus honoris  
Ornasti cathedram sæpius, ore, Dei.  
Pastor *Edinensis* tandem, rectorq; lycæi,  
Et quo non vatis dignus honore clues?  
*Scotia* si laudet, si laudet *Gallia*, felix  
Vates, quem Patria ac extera terra colit.

*In Aldum pictorem.*

Tercenis Christum nummis damnatus Jüdas  
Vendidit, & parvo prodidit ære Deum.  
Hinc metuens Christum parvi ne penderet Aldus  
Carius hoc multo vendidit effigiem.

*In hominum socordiam.*

Iam vivunt homines, veluti sint nave vehentes  
Sistere se credunt, nosque per alta rapi  
Hoc credant quamvis; omnes tamen alta pererrant,  
Unaque sunt nostræ meta, modusque viæ.



*Epigrammata.*

*In Tuccam sæpius viduam.*

*Sejanum* possedit equum quicumque nefandam  
Fertur vi, casu aut occubuisse necem.  
Perdiderit vidua hæc toties quod *Tucca* maritum  
*Sejanam* quid si fabula dicat equam?

*In Sacerdotem.*

Nulla cui mentis dos est, nec corporis vlla,  
Iro cum tenues quique recenset opes.  
Non est a sacra dicendus dote sacerdos,  
Sed quia mendicans dos mihi semper ait.

*In Gelliam.*

Quas vrit, noctes scribat si *Gellia* longas,  
Vel *Gelli* poterunt noctibus esse pares.

Ad Ornatissimum & Integerrimę pietatis virum  
*Dom. M. Tho. Sincerum Pastorem Edi-*  
*nensem, vigilantissimum.*

**V**Rbs pro divino contendit plurima *Homero*  
Certamen pro te maximus orbis init.  
*Gracia* prænomen *Θαυξ*, gens *Itala* nomen  
*Sinceri* donat, non sine consilio.  
Qualis enim *Thomas* sincerus *Apòstolus* audis  
Illa notat munus, muneris illa modum.  
*Itala* si tanti faciat gens, gręcaque, nunquam  
Quem vidit, quanti *Scotia* quem genuit?

Aliud

*Epigrammata.*

*Aliud.*

Consulo *Thomasium* quoties legisse juvabit  
Verborum spicas, utpote queis scateat.  
Consulo te *Thomam* rerum de examine vero  
Sollicitus, te quod nil latuisse sciam.  
Ille penus vocum, sed tu penus abdita rerum  
*Thomam Thomasium* diminuisse putem.

*Aliud,*

Filia *Thaumantis* dicta est hinc vatibus Iris,  
*Θαυμα* prius certâ quod ratione foret.  
Nescio quid *Θαυμα* est, verum abdita dia repandens  
*Thomas*, grande parat religionis opus.

Ad Ornatissimum & Illustris candoris, Dom.  
*Adamum Coltaum*, Pastorem *Mussilbur-*  
gensem virum verè bonum.

**L**æta probat frontis facies te mente serenum,  
Facta probant justum, candida vita probum.  
Index est animi vultus, vox splendida mentis,  
Lætitiæq; sales, tristitiæque minæ.  
Adde minas salibus, gravitas sit læta, salesque  
Adde minis, oritur lætitia inde gravis.

*Ad eundem.*

Cuncta Deus nutu si flectat, splendet imago  
Numinis in te, qui pectora fronte moves.



*Epigr ammata.*

Ad optimæ Spei juvenem M.  
*Oliverum Coltxum filium.*

**P**ERdidit ah miserum bene confita pomus *Adamum*  
Felicemque tuum reddit oliva patrem  
Pullulat & teneris gaudet succrescere ramis,  
Virtutisque piæ Pallidi grata deæ est.  
Luxuriet primo primæ si flore juventæ,  
Quis, longo si stet tempore, fructus erit.

*In obitum Dom. Montis-Rosarum.*

**M**ONS erat in terris sedes cui antiqua *rosarum*  
Felix *Elysi* nunc premit ille rosas.  
Ver erat æternum vitæ, nam frigore quamvis  
Alsit hyems, medijs fixerat arva *rosis*,  
Mortales inter *montem* præfulgida virtus  
Reddidit, heu fragilem mors probat esse *rosam*  
Hinc de Phœnicis surrexit pulvere Phœnix,  
Illius interitus, hujus & ortus erit.  
Felici genitore fatus, felicior audit  
Filius, & proles vicerit ipsa patrem.  
De *Gremio Grami* surrexit *Gramus*, vtrumque  
Prendere quod nequeat mundus, hic astra tenet.

*In festum omnium Sanctorum.*

Lux vbi festa venit *Sanctorum*, *Scotia* lætum  
Tum solet & festum concelebrare diem.  
Non prono visit peregrinas poplite terras  
Pontificis miseros quippe perosa dolos

*Epigrammata.*

Ast equitum virgata cohors procedit in armis  
Visere queis saxis *Terminus* arva regat.  
Nullus & hoc numen; ni ignarus sutor adorat,  
Lapsus equo recidit, qui tremibundus humi.  
Dona, nuncum ficto dant rupta putamina divo,  
Hoc cultu, his donis numina vana colunt.

In Claudiam præ ebrietate os sibi occillantem.  
Quæ *Plantas* vix passa prius contingere terram  
*Claudia* (ceu rubro poneret ære) pedum.  
Cur (quod mirandum) *gelide* nunc oscula *matrî*  
Tot dedit, vt fervens fluxerit ore cruor.  
Vina ferunt causam, sed mens miratur iniquam  
Reddere qui possint impia vina, piam.

*Oratio Dominica.*

**C**elestis genitor, sanctum sit nomen, in orbem  
Transseat imperium, pariter terræque poloque  
Arbitrio stetur; da panem, atque æra remitte  
Nos velut hæc alijs, ne expone, repellito damnum,  
Gloria nam vestra est (per sæcla) potentia, regnum.

*Ad Ornatissimum, omni pietatis & omnigenæ Doctrinæ cultura politissimum Virum M. Iohannem Adamidem Acad. Ia: Regis Præceptorem Primarium.*

**E**FFera si duræ rigeant præcordia cautis  
Duritie, quovis asperiora iugo.

E

Pri-



*Epigrammata.*

Prima feras superet primæ si que ira juventæ,  
Si ferior juvenis lynce, Leone, feris:  
Præceptis quantum sanis flexisse juventam,  
Et verbis quantum flectere corda virum!  
Hoc præstas mystes sacer interpretque fidelis  
Verbi, illud Sophiæ rector, utrinque elues,  
Sed quod ab integro tralucet pectore candor,  
Tergeminæ merito nomina laudis habes.

Ad Ornatissimum virum M. Gul. Regium Academiæ  
*Iacobi Regis Edinburgi Regentem, quondam suum.*

**P**ersuadere volens doctrinam, & voce disertâ  
Sensa animi pueros edocuisse meos  
Tum recolo quondam Regi vultumque decusque  
Quo Sophiam audiivi te referare piam.  
Orator quam sis vehemens præconia verbi  
Monstrant, quam doctus, doctâ lycæa probant  
Præstiteris operam, quærat si Scotia, qualem,  
Hanc monstrat quinâ laurea facta vice  
Quam doctrina ferax! venæ quam fertilis ardor!  
Tot data quæ ingenijs, nec minor ipsa tibi est.

*In obitum lectissimæ Fæminæ Rachelis Arnotæ.*

**P**ellite lætitiâ musæ, lugete sorores,  
*Mnemosynen* vobis sustulit vna dies.  
Plangite matronæ, fas si sit plangere matrem,  
Mater quæ fuerat Religionis abest,  
Mœsta Rachel natos misere ploravit ademptos,  
Nati defunctam nunc doluere Rachel,

*Epigrammata.*

Ter felix, soboles cui tanta reclusit ocellos,  
Felix ter proles, cui fuit illa parens.  
Enthea mens fuerat, rebusq; ornata secundis,  
Externâ, internâ dote beata fuit.  
Iudice vel docto felix dicenda Solone  
Ultima cui fuerat optima sola dies.

*Pætus ad Arriam.*

*Arria* (crede mihi) nos vnus sustulit ensis,  
Tu pars es vitæ dimidiata meæ,  
Enseq; fodisti vestro me, denuo nullus  
Nunc doleam, quamvis vulnus vbiq; forem.

*In Sycophantam.*

Dum nivis in pilulas congestâ mole sodales  
Mutua certatim tempora percutiunt  
Inscius ille pilæ medio latitantia jactans  
Saxa, ferit locij pectus inerme sui.  
Deflemus casumque hominis, mortemque sodalis  
Et læsos lusu vulgus vtrumque dolet.  
Ergo in me veri niveo qui subter amictu  
Conscius, iniecit crimina: iure luet.

*In Gallicâ laborantem lœ.*

Mutius infesto cædens pro rege Ministrum  
Sustinuit flammis imposuisse manum.  
Tu scabiem scorti pro forti nactus amicâ,  
Diceris ardentes nec timuisse focos.



*Epigrammata.*

Error utrique nocet, decepti injuria teli,  
Læsit at hunc livor, te scabiosa lues.

*In promi-condi obitum.*

Conditur hoc viridi promus sub cespite condus,  
Promere quam nequijt, condidit ille penum  
Cum Dominâ acceptum expensum pariavit, iniquum  
Nescit, & humano liber ab ære jacet.  
Debita nunc Domino vitæ sua priva rependit,  
Quas non solvendo est, solvit Jesus opes.  
Temnite mortales penoris distendere cellas  
Non penus œconomum, deserit ille penum.

*In Amorem.*

Solus amor superat vires animosque deorum,  
Irrita qui spernit tela trifurca Iovis.  
Saturni falcem contemnit, Palladis hastam,  
Neptuni huic poterit nil nocuisse tridens.  
Quique arcum superet Phœbi, succingitur arcu,  
Telum quod Phœbi tela repellat habet.  
Mercurij virgamque regit, virgasque virorum  
Quas teneat vires si foret ille senex.

*Ad Amicum Iohannem Roweum Iani. Cal.*

O Mine quo cœptus peragique hoc creditur annus  
Anni principium Janus & omen habet  
Hinc ego ne toto parcastibi crederer anno  
De, sed ne fiam prodigus, accipio.

*Epigrammata.*

*Aliud,*

Alternâ pollux mortalem morte redemit  
Castora, mortalis factus & ille Deus.  
Ergo Deum a dando me dicis? te accipiendo  
Mortalem? mutes hâc ratione vices.  
Da Deus, accipiam *mortalis* munera, fiam  
Utcunque haud *divus*, ast ego *dives* ero.

*In Anapropos.*

Qui modo divini spirabas dogmata verbi  
Persuadens cunctis pacis amore frui.  
Moribus, O quantum subito mutaris ab illis,  
*Cristatus Christi* namque minister ades.  
Lætabare prius Christi *tormenta* referre,  
Nunc *tormenta* geris pulvere facta truci,  
*Linteolo* tantum Dominus se cinxit Iesus,  
Servorum passus seque lavare pedes,  
*Serica* sed cingit te *fascia longa* superbum,  
Ille asino vectus, tuque superbus equo.  
Ille *feros* divo gestavit vertice *sentes*,  
Tu *pinnas*, apta est cui mage *pæna*, geris.  
Aufuge militibus da tu sua munia diris,  
Erte Paulinis cingito præsidij.

*Ad Eundem.*

Sat scio *que* scripsi non *de quo*, doctus ab ore  
Alterius, forex ne fiet ipse sibi.



*Epigrammata.*

In obitum D. M. P. *Galluvidij* Pastoris Regij  
& *Edinensis*, *viri gravissimi.*

**E**Nthea nulla potest Suadæ vis pellere mortis  
Vulnera, Threiciæ carmina nulla lyræ.  
Eloquio humanas potuit qui flectere mentes,  
Cordaque caucaseis asperiora iugis.  
Flectere dira nequit parcarum numina manes,  
Quo minus ad cæcos, lumine cassus eat,  
*Orpheus* allexit manes, cœlumque revisit,  
O vrinam ad manes hic rediturus eat.  
*Gallus* ut, etheriæ prædixit lumina vitæ  
*Scotigeris*, Christi præcinuitque iubar  
At ne alius semper lumen cantaret Olympi,  
Cæcus & ipse foret, *vidius* hocce videt.

*In festum Iulij.*

*Scotia* natales Christi sub nomine Iuli  
Concelebrat, iusto non sine consilio.  
Christi qui fuerat natalis, nœnia *Roma* est,  
Julia gens Christi numine victa iacet.  
Anseribus, prostrata canit capitolia cæsis,  
*Scotia*: *Romanis* invidiosa viris.

*Leander.*

*Hellepontiacas* quum iam *Leander* ad vndaſ  
Scaret, & infani cresceret ira maris  
Accensam de turre facem per nubila cernens  
Ad maris hæc unidas murmura fudit aquas

## Epigrammata.

Me finite O fluctus dominæ parere vocanti,  
Me finite assuetâ piscibus ire viâ  
Non meus, at Dominæ jam sum, mihi parcite venti  
Quo meus & fuero tempore, subruite.  
Dixit, & infido subnixus pectora ponto,  
Alternò dextræ pondere pressit aquas.  
Frigora pellebat Dominæ spes, cuius in vno  
Complexu ardentem noverat esse focum.

### *In Ethnicorum deos.*

Mars crudus præses belli, cædisq; nefandæ est  
Coelicolamq; putat Romulus esse Deum.  
Præsit adulterio Venus est quæ, filia spumæ,  
Æternam volet hanc Ætheris esse deam:  
Mercurius fallax curet qui furta, rapinas,  
Hos tres ætherios jurat & esse deos  
Ergo homicida esto, fur sit, populator, adulter;  
Attamen ætherijs cordi erit ille dijs.

### *Pupillus ad tutorem Pseuden.*

De pueris optare solent quæ vota cinædi,  
Hæc de me Pseudes vota referre solet  
Scilicet ut rarâ squallere lanigine mentum  
Viderit, & puerum degere, sero virum.

### *In illicitas nuptias Leonore.*

Gentis apud præscæ Poenos dissolvere nuptis  
Prima pudicitia vincula, regis erat.

Hoc



*Epigrammata.*

Hoc metuens leonora priusquam nupserit, ipsam  
Prostituit, Regis sic fugitura manus.  
Alteraque ut possit dici *Lucretia*, Regis  
Vim fugiens, mœchi se volet *ense* fodi.

*In Mercenarium Ministrum.*

Vendiderit si quis xenium gratantis amici  
Justa quidem socij pectoris ira foret  
Justior in Poenum Christi vindicta, ministrum  
Quem dedit, ingenij dotibus accumulans  
Ære ministerium sed mutat, jure relinquens  
Templum, ne Christus pelleret inde, suum,

*In Æschinum currucam.*

Æschine te jactas magnâ de gente creatum,  
Gens tua quadrupedum, gens tua magna bouum  
At sacrâ dices genitum te stirpe deorum,  
Hoc volo: cornuta es Iside matre satus,  
Uxorem claro natam quod stemmate clames,  
Digna Jove est, fratrem te dedit esse Jovis.  
Hæc dea, cornutus tu bos; non vitæ recinget  
Cornua, nam foedis pollueris maculis.

*In Coclitem.*

Cocles tormenti dum sæva tonitrua solvit,  
Mireris, præstet quod colubrinus opus;  
Hostibus adversis, simul averfisque tuetur  
Semet, dum ventris posteriora crepant,  
Fulminat antrorsum strepitu, crepituque retrorsum  
Incertum Janus Jupiter anñe fiet.

*Epigrammata.*

*In Leonoram.*

In speculo Leonora sui cum cerneret oris  
Filum se Lunę dixerat esse parem.  
Nec temere, ceu Luna suo non lumine splendet  
Sic falso vultus illa colore nitet.  
Hęc varios subit (aspectus discrimine) vultus  
Subdola quin facies mutat & illa novas.  
Plena tibi arridens, illi mox dividit orbem,  
Sic capiti impendent cornua panda tuo.  
Luminis hęc fallas, hęc fluminis excitat undas  
Imperat hęc maribus, imperat illa mari.  
Pallet ubi plorat, rubuit quum iurgia spirat,  
Rarò, vel nunquam fronte serena micat,  
Luna utcunq; Polum Terras & tartara lustrat,  
Incola Tartarę sit Leonora domus.

*In obitum Iohannis Follisij Viri honestissimi.*

**E**Rgone *Follisium* cæcis mors dira tenebris  
Confundat, tantum noxque profunda tegat?  
Moribus, exemplo vitę feliciter actę,  
*Follis* ceu, laudis foverat ille facies,  
Vitalis quamvis follis distumpitur aurę,  
Illius ast hominum pectora fama foveat.  
Spiritus in cœlis, si spiret, fama que terris,  
Amphibium cœli est, amphibiumque soli.

*In Obitum lectissimę foeminę Margarete Cassie.*

**C***assa* quę quondam *Casto* bene nupta marito  
Heu jacet in multos lumine *Cassa* dies.



*Epigrammata.*

Si probitas annos numeret, vixisset in ævum,  
Si vinci possit parca, tulisset opem.  
Iam petijt *Cassia* nemus ambrosiæq; virentis,  
Et fortunatos adspicit illa greges.  
Nam simul huic *casses* mors callida fixit acerbos,  
Ceu cassita truci casse perempta jacet.  
Struxit at in *cassum* *casses* mors pallida, coelis  
Regnat enim, Christi casside pressa comas.  
Ad bonæ famæ & integerrimæ vitæ M. P. Hender  
sonum *musicum insignem, de affinitate musæ & musica.*

**Q**uam sit amica meæ tua musica cernito musa  
Inter discrimen quam sit inane vide  
Nulla valere potest gemibundi musica cordis,  
Musica nec medijs vult habitare malis.  
Nulla potest capitis lachrimosi musa valere,  
Ferre nequit luctus musa serena graves  
Utraque lætantis venæ est, animique sereni,  
Mutuaque inter se jura fideinque tenent.  
Musica dat cantus, versus pia musa canendos  
Musica dulce melos, musaq; condit epos.

*In nefandum Alex. Henni obitum.*

**N**aturas, speciesq; avium quum scripserat Henus  
Seque operi voluit inseruisse suo.  
Aeriâ se turre iacit, tentare volatum  
Ausus, sed frustra defluisse ferunt.  
Ut qui erat implumis; cervicis vincula fregit  
Stercore sat *ævi* diluuisse fuit.

*Epigrammata.*

*In obitum suum nefandum Stonefus.*

**D**'Im miser in tenebris *Grinleam* comprimo moe-  
Cum moecha, & solâ solus adulter eram (chus  
Cardinibus vigiles convellunt ostia versis,  
Aufugio vt causæ sic rationis inops  
Asseribus medijs primi sub culmine testî,  
Instar erat magnæ larga fenestra foris.  
Hanc miser egressus manibus perterritus læsi  
Sustinuit digitos solvere at illa meos.  
Quid miri? nostrum voluit si perdere corpus,  
Quæ me animam fecit perdere moecha meam  
Illiciti ingressus tecum (*Grinlea*) letaliis  
Egressus, iusti numinis ira fuit.

Ad Doctissimum Virum D. M. P. *Sandeum* quondam  
*Academiae Jacobi Regis quæ est Edin-*  
*burgi* Præceptorem Primarium.

**D**ogma stagiritæ vetuit laudare parentes,  
Et mihi Præceptor creditur esse parens  
Si tuus ergo honor est internus non meus autem  
Externus, faciam quid? nisi semper amem?

*Alind.*

Mirum est tot terris, tam multo littore arenas  
Jactatas nostrum nunc tetigisse soluni.  
Quæ non his virtus est invenienda? mathesis  
In quibus & *Sophia*, ius & vtrumque nitent.

Nau



*Epigrammata*

Naufragus has si forte Sophus vidisset arenas,  
Non temerè hic homines diceret esse satos.  
Regum oculus dixit *factas* Iacobus arenas,  
Dum *steriles* nomen diceret esse suum.

Ad Ornatissimum Virum D. M, *Andream Blackham*  
Pastorem *Abreladiæ* vigilantissimum.

**G**loria difficili quam sit quærenda labore,  
Vita probat tua, quam gloria sola trahit.  
Carpe rosam, & teneris subito penetrabere spinis  
Gloria sanguineo non sine Marte venit.  
Quod mare? quas terras? quæ summa pericula sperni  
Navita? dum redeat merce referta ratis?  
Non mare, non terras, non vana pericula curas,  
Dummodo sit Christi gloria parta tui.  
Perge, exantlanto vitæque viæque labore,  
Unicus est coelos inde redire labos.

*Inequalis amor.*

Inter formosas annosum fortè puellas,  
Annosus juvenem vidimus inter anus:  
Ille miser canus, manibus nec corpore pernix,  
Oscula non potuit non geminare senex,  
Oscula nec juvenis poterat cohibere, seniles  
Basilis nequijt non onerare genas.  
Ille instar porri, cano qui vertice, caudâ  
Sed viridi, medijs vult habitare rosis  
Instar & hic hædere rimosâ & caute virentis,  
Vult quamvis duro profuisse jugo;

Esto:

*Epigrammata.*

Esto: rosę pungent porrum, spinisque retundent:

Esto: hederā saxum depereunte manet.

Olla habeat porrum, mancant incultaque saxa

Atque hederā in mediis crescat amoena rosīs.

*Aliud.*

Mors & Amor, cæcā mutarunt nocte pharetras

Telum mortis amor, Mors & Amoris habet.

Hinc falsā percussit Amor quoscunque sagittā,

Semper amant, pallent, emoriuntur, egent.

Hinc senio quoscunque graves Mors pallida fixit

Incurvos, tremulos, dum moriuntur, amant.

*In Helleburtonum.*

Captivum duxit me Mars, nunc denuo captum

Mors retinet, cunctis quæ struit insidias.

Captivo pro me mutavit Lætha redempto

Tres procures, tanti nominis vnus eram.

Nunc pro me capto Christum persolvit Olympus,

Profuerit quantum semper ab hoste capi!

Mortales pro me redimendo, quamlibet vno,

Sat tres; pro cunctis sufficit ille deus.

In Clarissimi viri D. *Samuelis Elphinstonij*  
domum, *Elphistoniam.*

**S**I quæ ras quot saxa queant durare per annos,  
Cerne hæc bis sæclis quæ viguere tribus.



*Epigrammata.*

Ad Ingenuum virum M. Rob: Kæn-  
rossium Automatopœum.

Quis nisi mentis inops, cæco insanusque furore  
Commune alterius gaudeat esse malum?  
Gens *Romana* rosam te dicit, Græcia *ῥοσόν*  
Communem cupiant te quod habere rosam  
Ergo bonus tu *Kænrossi* es, de nomine tantum  
Si certent, quanti res foret ipsa, vide.

Ad Clarissimum & antiquæ Generositatis Virum D.  
Robertum Fairlæum *Baronem* à Bredâ,

Natus ut in *pulchris*, *pulchris* moriaris in agris,  
Ut puerum possit cernere *Breda* senem.

*Breda* parens patris, patruique, hæc *Breda* quotannis  
Constitit, annales non meminisse queant.

Non pater, aut avus, haud proavus, cariola registri  
Ætas, non quæ sit dicat origo domus.

Vive diu gratusque Deo, Regique, paterni!

Nominis, & nostræ gloria prima domus,

*Floribus* ut natus medijs sic flore sepulto

In medio terram dent tibi fata levem.

Ad Clarissimum & optimæ Spei juvenem

*Alexandrum Fairlæum* filium.

Clarus *Alexander Fairlei* nominis una  
Spes mihi, spem nolint fallere fata meam

Quam prope dirarum rapuisset turba sororum

Vidimus, & vix dum corda dolere carent

Non animus tantum prudens, vultusque decorus

Nunc nati, cras ut emoriantur, erant,



IN LAVDES  
DEI BENIGNI  
HYMNVS.





RECEIVED

DEPT. OF THE INTERIOR

NOV 1

TO THE SECRETARY OF THE INTERIOR

FROM THE COMMISSIONER OF THE GENERAL LAND OFFICE

WASHINGTON, D. C. 1901

RE: LAND IN THE STATE OF TEXAS

TO THE SECRETARY OF THE INTERIOR

FROM THE COMMISSIONER OF THE GENERAL LAND OFFICE

RE: LAND IN THE STATE OF TEXAS

5

# IN LAVDES DEI BENIGNI.

HYMNVS.

**R**igidus oppressos somnus quū liquerit artus  
Fugerit & segni corpore lenta quies  
Humida dum cerebri lustrāt penetralia sensus  
Et fugiunt capitis pondera cęca mei.  
Tum recolo dederit misero mihi quanta benignus,  
Meque Deus quantā dote bearit amans.  
Me natum infecit miserę contagio matrīs  
Quam tulit ad cunctos primus in orbe parens:  
Insuper & proprio violavi crimine numen  
Sępius, in longā quam fluat hora die:  
Me tamen hoc foedum peccati stercus olentem  
Sustulit; & chari nutrit amore patris,  
Tartareusque premat nigri ne carcer averni  
Sulphureas Christus pectore passus aquas.  
Ne crucier tulit ille crucem, mortemque triumphans  
Vicit, aculeolus vt mihi fiat iners.  
Sanguineus fluxit sudor de corpore, mortis  
Sudor vt optatus hęc mea membra riger  
Sponte feros multo, portans cum scommate, sentes,  
Oscula & incurvo prębuit ore Deus,  
Nec tulit invitus, passis hinc inde lacertis  
Dat mihi complexus semper habere suos.



*Hymnus.*

O mors digna meo redamari sanguine, flammâ  
Sive abeat, fosso pectore sive fluat.  
Sive meum feriat collum præacuta securis,  
Militis aut pungat cuspis inerme latas  
Sive canes rabidi me cingant, sive leones,  
Membraque ponantur dilanianda feris.  
Nil moror, hasta dedit pendenti vulnera Christo  
Quæ sint peccati pharmaca sola mei.  
Huncne colam vernâ pro me qui pertulit insons  
Tanta, licet celsi dirigat astra poli  
Nec tantum ætheriæ tribuens solamina vitæ  
Lumine concessit inferiore frui.  
Prægnantis fregi quum rupta repagula ventris,  
Vagitusque, recens editus, ore dedi.  
Jlychua mihi ridens, vteroque relapsam  
Tollere dignatus, prima Levana fuit.  
Potica mihi dulci roravit membra liquore  
Et puero gessit munia prima Cubæ.  
Blandâ dedit teneros mihi dulcis Edulia victus  
Et mihi pro cunctis restitit ille dijs.  
Aureus insidijs serpentis textit *Apollo*  
Ne mihi *Pythonis* dira venena forent.  
Huic ego thura mei succendam pectoris alti,  
Jupiter in cunctis prodigiator adest.  
Dat mentem *Sophiæ* sitiens quæ mystica cultæ,  
Bibat. ut inscriptas rasa tabella notas.  
Sic dat inaccessos *Parnassi* scandere colles,  
Musarumque levi tingere guttur aquâ,

## Hymnus,

ma neque mihi lassī recreentur corporis artus  
Callida dat molli ponere membra toro  
Mox venit e Lethes securo flumine *Morpheus*  
Demulcetque novus lumina fessa sopor  
Tum vigiles fugiunt imo de pectore curæ,  
Cedit & ex animo sollicitudo gravis.  
risto Ac ne sicca forent studijs mihi sensa cerebri,  
Rore rigat sensus humida luna meos.  
ons Sic mihi dat longam recubanti fallere noctem  
Donec ab Eois Lucifer exit aquis.  
Ad solitos tum blanda vocans Aurora labores,  
Nunciat incoëptum, prævia, Solis iter.  
Impiger aurato scandensque per æthera curru  
*Phæbus* ab Eoo limite pellit equos.  
Despuo tum insulas Mauri Atlantumque querelas  
Sydus in exoriens vitia quæque ferunt.  
Rectus agit radios, artus caligine fuscans  
His; mihi sed frigus dulce calore ciet.  
Sunt quibus occiduis sua lumina condit in vndis  
Nec nisi post sexto surgere mense solet.  
Me vidit alternis stringens iuga celsa diebus,  
Et docet exemplo ferre labora onus,  
Hint ne mordacis curæ subeuntis imago  
Terreat, aërios dat Philomela sonos.  
Lucar in æthereo perblanda susurrat Olympo  
Et hunc supremum concinit ore Jovem.  
Aureus & rostro merulus mihi personat odas  
Moeroremque fugat carmen acanthis amans.



## Hymnus.

Arduus *Arthuri* resonat mons personat Echo  
Quâ videt antiquæ devia saxa *Brede*,  
Cuncta creatorem laudant viventia sanctum  
Cantat & excelsum quælibet herba Deum.  
Quanto avium ignaros superant mea carmina cantus  
Oris & excedit murmura mentis opus.  
Hoc ego flammantis divinum numen Olympi.  
Grande meâ vocis lætior arte canam.  
Qui fuit, est, & erit, verboque micantia finxit  
Signa poli, & quicquid maximus orbis habet  
Hæcque dedit servire mihi, quo serviat ipsi  
Mens mea, divinâ dum bonitate calet.  
Hunc mea musa canat, nec parcat penna lituris  
Fons fuit in nostro carmine, finis erit.

FINIS.

*Errata.*

A 2 Empyrium, lege empyreum. A 4. volet, lege  
mover. causę lege clausæ. A 5 transversam, lege  
transversum, B 3 quærelas, lege querælas. B 7 voci,  
lege vocis E 3 Defluemus, lege Defleamus.

ho

ntus

it

et

ege

ege

ci